

LEFII KOTĒLAA TŌM TAKĒLAYA Kutulu

Takēlaya kanε ka taa ké tē kaləyi si, Iso yaawa i yulu Moisi ke Iso taseele taa, na í na-i pá yəyoti. Pə taa tənε inu Iso suwa nəyō si, ye wei í tōka i tōm nti pōntu ká hiki weesuyu. Iso seyeša i yēlaa ke isəna pə weε si pá la kətasi ke isəna Iso inu i suwa tō. Pə weε tōtō si pá hatələna asilima nyəm təna, na pá weε tənəŋɪ isu pa Iso inu.

Isəna pa faya Lefii takēlaya tō:

Kətasi lataa í təŋ isəna Iso suwa tō, titite 1–7

Pə weε si pá tūna kətəlaa, na pεle pá weena yaasi kupaŋ, titite 8–10

Paa Iso seelu wei í se tənuyū tō asilima, titite 11–16

Pə weε si pá se kpai nyəntu na Iso seεv isayam, titite 17–27

ISO KŌTASI NA PĒ KUHAAN

Isə kətaya ŋka kəkə lusa ka təna tō

¹ M̀p̀ỳỳ Tacaa Iso yaa Moisi na cokəle^a nte pa lapəna pəŋ, na Iso na i yēlaa pá suliyi tē taa tō. Ilena í tōm-i si: ² Teləsi Iseyeli nyəma si, ye pa taa nəyōlu caa-m kəhav ke kənav, i pəsəyi na í kəna nav yaa heu yaa pəŋ.

³ Ye nav ke yulu caa lapu ke kətaya ŋka kəkə lusa ka təna tō. Iε apalu nyəŋ wei i tiili tá caami tōyō i

^a 1:1 cokəle: Cokəle nte tē tōm pa yəyōta cənε tō tē ta ke taale cokəle ke yem. Pəŋ ke pa luwa na pa saaki pə kpatəŋ. Pa pəsəyi na pa het-i-te na pa kpili na pa səyəli na pa pona tiili na pa tayani-teye sikuyu.

ká ha na Tacaa mu. Cokæle nte tæ taa Iso na yælaa pa suliyi tæ tæ nænæyæ ke i ká pona. ⁴ Uena í tæni i nin ke kpænte nte kækæ lusiyi mpv tæ tæ nyuyv tæ. Tacaa ka mu i kætaya na í husi i isayatu. ⁵ Uena püntv lenti kpænte ke tæsulle cokæle kin tæna. Alæh lûlvuyv nyéma kætælaa taa næyælv ká huli kpænte calæm ke Tacaa. Uena í ηmusi-wæyi Iso kætaya tælate kækæmæh tæ ké cokæle nænæyæ. ⁶ Saa wei kætaya latv litiyi kpænte na í faki-teye piliηasi ⁷ tæyæ kætælaa ná tayanæyi kækæ ke kætaya tælate tæ. ⁸ Uena pá tæni nantv cækæh ke kækæ tæ tætetete, na nyuyv na nim cælv nim cælv tætv. ⁹ Kpænte lotu na tæ næhkpaasi tæh nyaalvuyv, uena kætvlv nyayasi pæ tænaya kætaya tælate tæ. Kætaya ηka kækæ lusa ka tæna tæyæle. Ka sæsvηh ke Tacaa caaki.

¹⁰ Ye isu heu yaa pæn ke yvlv caaki lapv ke kætaya ηka kækæ lusa ka tæna tæ. Ue apalvnyæh wei i tiili tá caami tæyæ i ká kæna. ¹¹ Uena í lenti-i Iso cokæle kækæh taa, ke kætaya tælate ilim ntæyæh tæ. Uena Alæh lûlvuyv nyéma kætælaa taa næyælv ηmusi calæm ke kætaya tælate kækæmæh tæ. ¹² Uena kætaya latv faya nantv ke tilima. Na í seti nyuyv, na í læsi nim cælv nim cælv. Uena kætvlv tæni nantv ntæyi kætaya tælate kækæ ηke ka tæ tætetete. ¹³ Kpænte lotu na tæ næhkpaasi tæh nyaalvuyv, uena kætvlv huli kætaya ηkeye Tacaa, na í nyayasi pæ tænaya kætaya tælate tæ. Kætaya ηka kækæ lusa ka tæna tæyæle. Ka sæsvηh ke Tacaa caaki.

¹⁴ Ye sumaya ke yvlv caaki lapv ke kætaya ηka kækæ lusa ka tæna tæ, ihokaya yaa alukuku ke i ká kæna. ¹⁵ Uena kætvlv pona sumaya ηkeye Iso kætaya tælate kin, na í cæ ka nyuyv na í nyayasi-kuyv kætaya kækæ taa. Uena í nyaasi alukuku calæm na í taana-wæyi Iso kætaya tælate kækæmæh tæ. ¹⁶ Uena í læsi luyuticæcæku

na kv tɔɣɔnaya, na í peti-kuyv tɔluma nim nyəna tɔlɔle, ke Iso kataya tɔlate kɔɣkɔɣ taa, na ilim tɔlule tɔɔ. ¹⁷ Uena í tɔki alukuku kenj taa na í hɔ na í cɔli. Ue pə taa yaali. Uena í nyayası-ı Iso kataya tɔlate kɔkɔ taa. Kataya ŋka kɔkɔ lusa ka təna tɔɣɔle. Ka sɔsɔɣ ke Tacaa caaki.

2

Tɔɣɔnaya kvhav

¹ Ye isu yulv caa ı kəna Tacaa ke tɔɣɔnaya kvhav, mɔlɔm kvpam ke ı caaki. I pɔlɔɣi pə tɔɔ kɛ nim, na í tənı tulaalv. ² Uena í pona Alɔɣ lɔlɔyɔ nyəma kɔtɔlaa. Pa taa nɔɣɔlv cosiyi nim mɔlɔm mpɔɣi ŋkute na í nyayası pə na tulaalv tənaya kataya tɔlate tɔɔ. Mpi pə kəna kvtɔsəm sı Tacaa tənna pə təna. Kataya ŋka kɔkɔ lusa ka təna tɔɣɔle. Ka sɔsɔɣ ke Tacaa caaki. ³ Kvhav ŋkv kv kakaasaya pəsəɣi kɔtɔlaa nyəm kɛ. Mpi tɔ, pə kɛ kate taa kate pulvpuɣv. Pə taya pulv, pə kɛ kataya ŋka pa lapa Tacaa tɔ, ka kakaasaya kɛ.

⁴ Ye pə kɛ isu potopotonaa looŋa taa kvkɔsɔm fei tɔɣɔnaya nakəli, ıle pa caa mɔlɔm kvpam na pá nuɣutina nim, na pá tv kakalası yaa petepetası taka, nsi sı tɔɔ pa yɔɣɔla nim tɔ.

⁵ Ye isu petepetaya maɣamaya, ŋka pa tɔɣi nyəɣɔlvɔ kvwalɔyɔ tɔɔ tɔ. Ue mɔlɔm mpi pa nuɣutina nim, na pə taa fei kvkɔsɔm tɔɣɔle pa tɔɣi.

⁶ Pa pɔtɔtɔɣi petepetaya ŋke, ılena pá sɔsı pə taa kɛ nim tɔtɔ. Mɔɔɣı pə wɛɛ sı, pá la tɔɣɔnaya kvhav təm taa.

⁷ Ye isu tɔɣɔnaya ŋka pa tɔŋaa tɔ ka kvhav ıle, mɔlɔm mpi pa nuɣutina nim tɔɣɔle pa caaki.

⁸ Pa tayanəɣi-keɣe, isu pa keesɔyɔ tɔ. Uena pá pona tɔsulle cɔkɔle taa. Pa cɛlɔɣi kvtulv, na ılɛ ı pona Iso

kətaya təlata kin. ⁹ Ulena í cosi na í nyagasi tə tə si, pə la kutəəsəm si, Tacaa tənna pə tənna. Kətaya ŋka kəkə lusa ka tənna təyole, ka səsəŋ ke Tacaa caaki. ¹⁰ Kvhav ŋku kv kakaasaya pəsəyi kətəlaa nyəm ké. Mpi tə, pə ké kate taa kate pulɔpɔyɔ. Pə taya pulɔ, pə ké kvhav ŋku pa ha Tacaa tə kv kakaasaya ké.

¹¹ Ye pa tayanəyi Tacaa maya təyənaya kvhav si, pa nyagasi-kuyɔ kəkə ke ma hətə taa, pə fei si pá tu pə taa ké kəkəsəm yaa tuŋ. ¹² Pa pəsəyi na pá ha-m tuŋ na kəkəsəm ke waatu wei pa pukina-m təyənaya kalaalaya tə. Ama tuŋ na kəkəsəm mpəyi pə fei si, pá nyagasi kətaya təlata tə si, Tacaa má, má nu pə səsəŋ.

¹³ Ye pa haaki Tacaa maya təyənaya kvhav, pə wee si pá tú təm ké. Mpi tə, mpi pə huləyənna si nəyɔ ŋka ma na-me tə pəelaa tə, ka we tam tə. Pə tə ké pə wee si pá tɔyi təm ke paa təyənaya kvhav ŋku kv taa.

¹⁴ Ye yulu ləsəyi i tawa kancaalaya kululɔm kvhav, i wəkia^a pə na pə ləɔtu ké, na í yəti. ¹⁵ Pə waali, ulena í pəli pə tə ké nim na í tənɪ tulaalɔ. Mpyó pə wee si pa lá təyənaya kvhav təm taa. ¹⁶ Ulena kətulu náa cosi pee kuyətəe anɪ, na í nyagasi pə na tulaalɔ tənna. Mpi pə kena kutəəsəm si Tacaa tənna pə tənna. Təyənaya kvhav ŋku pa nyagasa Tacaa təyole.

3

Nəyɔ kulɔmaya krentuyɔ kətaya

¹ Mpyó Tacaa tasaa si: Ye nəyɔlɔ caa i la-m nəyɔ kulɔmaya krentuyɔ kətaya ke nav. Pə wee si, apalɔnyəŋ yaa alɔ nyəŋ wei i tiili tá caamɪ təyɔ i ká

^a **2:14** wəkɪ: Wəpɔ mpi pa yəyətəyi cənə tə, pə nəyəsənna ke isu pa wəkuyɔ məsi ke Ləkpa taa na pa ŋmayaləyi tə.

kəna. ² Ulena í tənɪ ɪ nɪŋ ke kɾənte nyuyɪ taa, na í lentɪ-tɛyɛ təsulle cokəle nənəyɔ. Ulena Aləŋ ləlyuyɪ nyéma kətəlaa taa nəyɔlv ŋmusɪ tə caləm ke Iso kətaya təlate kəŋkəməŋ tə. ³ Ulena pá nyayasi Tacaa ke nim təna, mpi pə pama lotu tə tɔ, ⁴ na timpee naale na a nim, na kəŋkəməŋ taa nyəm. Isu pa ləsvyɪ həle, na pə kɾenna timpee tɔ. ⁵ Ulena kətəlaa tənɪ nantv ntəyɪ Iso kətaya təlate kəkə tə. Na pá nyayasi-tɪ na kvhav ŋku kəkə lusaa tɔ. Kətaya ŋka pa nyayasa Tacaa təyɔle. Ka sɔsɔŋ ke ɪ caaki.

⁶ Ye isu heu yaa pəŋ ke yulv laki Tacaa ke nəyɔ kvlmɔyɔ kɾentvyɪ kətaya. Apalv yaa alv nyəŋ wei ɪ tiili tá caamɪ təyɔ ɪ ká kəna. ⁷ Ye isu heu, ɪe ɪ pona-ɪ təsulle cokəle kɪŋ, ⁸ na í tənɪ ɪ nɪŋ ke heu nyuyɪ taa, na í lentɪ-ɪ tə kɪŋ təna. Ulena kətəlaa taa nəyɔlv ŋmusɪ heu caləm ke Iso kətaya təlate kəŋkəməŋ tə. ⁹⁻¹⁰ Ulena pá nyayasi Tacaa ke nim təna mpi pə pama lotu tə tɔ. Na timpee naale na a nim na kəŋkəməŋ tə nyəm. Isu pa ləsvyɪ həle na pá kɾenna timpee tɔ, na suka təna. ¹¹ Ulena kətulv nyayasi pə tənaya kəkə ke Iso kətaya təlate tə. Təyənaya kətaya ŋka pa nyayasa Tacaa təyɔle.

¹² Ye pəŋ ke yulv laki kətaya, ɪe ɪ pona-ɪ təsulle cokəle kɪŋ, ¹³ na í tənɪ ɪ nɪŋ ke ɪ nyuyɪ tə, na í lentɪ-ɪ təna. Ulena kətəlaa ŋmusɪ ɪ caləm ke Iso kətaya təlate kəŋkəməŋ tə. ¹⁴ Ulena pá nyayasi Tacaa ke nim təna mpi pə pama lotu tə tɔ, ¹⁵ na timpee naale na a nim, na kəŋkəməŋ tə nyum. Isu pa ləsvyɪ həle na pá kɾenna timpee tɔ. ¹⁶ Ulena kətulv nyayasi pə tənaya kəkə ke kətaya təlate tə. Təyənaya kətaya ŋka pa nyayasa Tacaa təyɔle. Ka sɔsɔŋ ke ɪ caaki.

Tacaa tənna nim cəlv nim cəlv təna. ¹⁷ Pə tə kə paa

timpiyi lseyeli nyóma ká wεε, paa waatu wei te, pə wεε si pá təkí kwsəsutu təneyε. Pə fεi si pá təyɔ krəntε nantu nim, yaa tə caləm.

4

Kətulv səsə isayatu husuyv səsəi

¹ Mpyúyú Tacaa təma Moisi si: ² Teləsɪ lseyeli nyóma si, ye pə yókəna nəyɔlv na í lá mpi Tacaa kisaa tɔ, na í yókí kiiu. Isəna pɔntu ká la təyɔlv.

³ Ye kətulv səsə pəntəna, ɪlena ɪ tasəkəle taana yəlaa təna. Pə wεε si í la Tacaa ke isayatu husuyv kətaya ke nav apalv nyəŋ wei ɪ tiili ta caamu tɔ. ⁴ ɪ pukina nav inəyi təsulle cokəle nənyɔ. ɪlena í tənɪ ɪ niŋ ke ɪ nyuyv taa, na í lentɪ-ɪ Tacaa kiŋ təna. ⁵ ɪlena kətulv səsə kraya krəntε caləm na nyənaya na í svuna cokəle taa. ⁶ ɪ liiki pə taa ké mpəle, ɪlena í ŋmusɪ təm naatosompɔyɔlaya, ke Tacaa kiŋ tənaya cokəle puyv kəkayav tɔ, na pə tɔ pə tɔ cənε. ⁷ ɪlena í taa caləm mpi tətəyɔ tulaalv təwɔte hələŋasɪ tɔ ké cokəle taa təna. Pə waali, ɪlena í pəli caləm kukaasəm ke kətaya təlate nte tə wε cokəle nənyɔ tɔ tə tεε. ⁸ ɪlena í kəɔli krəntε nim cɔlv nim cɔlv təna. Pə krayav pə təna mpi pə pama pə taa lotu tɔ tɔ, ⁹ na timpee naale na a nim, na kəŋkəməŋ taa nyəm. Isu pa ləsvuyv hɔle na pá krɛnna timpee tɔ. ¹⁰ Lona kulvmeε anəyi pa setəyi nəyɔ kulvmaɔa krɛntuyv kətaya krəntε tɔ. ɪlena kətulv səsə nyayasɪ nantu ntəyi kətaya təlate tɔ. ¹¹⁻¹² Pə kaasəyi nantu lentɪ, na tənuyv na nyuyv, na nəŋkraasi, na lotu na pə taa nyəm təna. ɪlena pá luna təsikile waali, ke lonte nte pa ləsəna tə mpa na pá ləkí təloma nim nyəna tɔ. Na pá nyayasɪ-təyi kəkə ke təloma huɔule tɔ.

Iseyeli nyóma tēna isayatu husuyu sɔɔsi

¹³ Ye isu Iseyeli nyóma tēna tɔpai ké pə yukənaa, na pá la mpi Tacaá kisaá tɔ, na pá yáki i kiiu na pa tēna pa tɔm sí. ¹⁴ Uena pɔ́ kɔɔ na pá cekəna. Pə wɛɛ si pá ləsi nav apalu nyəŋ ke isayatu husuyu kɔtaya ké. Pa pukina-i tɔsulle cokəle nənəɔɔ, ¹⁵ uena pa nyuyu nyóma tēni pa niŋ ke kpənte nyuyu taa. Na pá lentiteye cokəle nənəɔɔ tēna. ¹⁶ Uena kətɔlv sɔsɔ cosi tɔ caləm na í sɔvna tɔsulle cokəle taa. ¹⁷ I liiki pə taa ké mpəle, uena í ŋmusi tɔm naatosompɔɔɔlaya, ke Tacaá kiŋ tənaya cokəle puuyu kukayav na pə tɔɔ pə tɔɔ cəne. ¹⁸ Uena í taa caləm mpi tɔtɔɔɔ tulaalv təwɔte hələŋasi tɔɔ ké cokəle taa tēna. Pə waalı, uena í pəli caləm kukaasəm ke kɔtaya tɔlatɛ nte tɔ wɛ cokəle nənəɔɔ tɔ tɔ tɛɛ. ¹⁹ Uena í seti nim cɔlv nim cɔlv na í wɔ kɔtaya tɔlatɛ tɔɔ. ²⁰ Teitei isu i ka lapu i mayamaya i isayatu husuyu kɔtaya nav tɔɔ i ká lana inɛ. Uena í la Iseyeli nyóma tənaya isayatu husuyu kɔtaya, na Isɔ tayan-i-wɛyɛ-ti. ²¹ Pə waalı uena í pona kpənte kakaasaya ke tɔsikile waalı, na í nyayasi-teye kəkɔ, isu i ka lapu i mayamaya i isayatu husuyu kpənte kɔtaya tɔ. Kɔtaya ŋka ka husəyi Iseyeli nyóma tēna isayatu tɔɔle.

Nyuyu tv sɔɔsi

²² Ye isu nyuyu tv nɔɔɔlvuy pə yukənaa, na í la mpi i Caa Isɔ kisaá tɔ. Isu i yəka i kiiu na i tɔm sí. ²³ Uena pɔ́ kɔɔ na í cekəna i isayatu. Pə wɛɛ si, í la pəntɔlvuy ŋku kv tiili tá caami tɔɔɔ isayatu husuyu kɔtaya. ²⁴ I tənəyi i niŋ ke kpənte nyuyu taa ké. Uena í lentiteye tɔsulle cokəle kiŋ, ke timpi pa lentəyi kɔtasi nsi kəkɔ lusaa tɔ si tɔla tɔ. Kɔtaya ŋka ka husəyi isayatu tɔɔle. ²⁵ Uena kətɔlv lii i mpəle ke caləm taa, na í taa-wəyi

Isò kòtaya tɔlate hɛlɛɲasi tɔɔ, na í pɛli kùkaasəm ke tɔ tɛɛ. ²⁶ Ulena í wɔ nim cɔlɔ nim cɔlɔɲɔ kòtaya tɔlate tɔɔ. Isu pa lakuyɔ nɔɲɔ kulumaya kɛntuyɔ kòtaya kɛntɛ tɔ. Ulena í la nyuyɔ tɔ inɛɲi isayatu husuyɔ kòtaya na Isò tayani-ɪ-ti.

Icate tv ke yem sɔɔsi

²⁷ Ye isu yulɔ ke yem kɛ pɛ yukənaa, na í la mpi Tacaɔ kisaɔ tɔ. Isu ɪ yɔka ɪ kiinj taa nakuli, na ɪ tɔm sí. ²⁸ Ulena pɛ kɔɔ na í cɛkəna, pɛ wɛɛ si í la isayatu husuyɔ kòtaya ke pɛɲ alɔ nyɛɲ wei ɪ tiili tá caami tɔ. ²⁹ ɪ tənɛɲi ɪ ninj ke kɛntɛ nyuyɔ taa kɛ, ulena í lenti-teɲɛ timpɪ pa lentɛɲi kòtaya ŋka kəkɔ lusaa tɔ ka tɔla tɔ. ³⁰ Ulena kɔtulɔ lii ɪ mpɛle ke caləm taa, na ɪ taa Isò kòtaya tɔlate hɛlɛɲasi tɔɔ. Ulena í pɛli kùkaasəm ke tɔ tɛɛ. ³¹ Ulena pá seti kɛntɛ nim cɔlɔ nim cɔlɔ. Isu pa lakuyɔ nɔɲɔ kulumaya kɛntuyɔ kòtaya tɔtɛ tɔ, na kɔtulɔ nyayasi nantu ntɛɲi kəkɔ, na Tacaɔ nu pɛ sɔɔsɔɲ. Ulena í lá pəntulɔ ke isayatu husuyɔ kòtaya na Isò tayani-ɪ-ti.

³² Ye heu ke ɪ sɔla isayatu husuyɔ kòtaya lapu lɛ ɪ kəna alɔnyɛɲ wei ɪ tiili tá caami tɔ. ³³ ɪ tənɛɲi ɪ ninj ke kɛntɛ nyuyɔ taa ulena ɪ lenti-teɲɛ timpɪ pa lentɛɲi kòtaya ŋka kəkɔ lusaa tɔ ka tɔla tɔ. ³⁴ Ulena kɔtulɔ lii ɪ mpɛle ke caləm taa, na í taa kòtaya tɔlate hɛlɛɲasi tɔɔ. Na í pɛli kùkaasəm ke tɔ tɛɛ. ³⁵ Ulena pá seti kɛntɛ nim cɔlɔ nim cɔlɔ. Isu pa lakuyɔ nɔɲɔ kulumaya kɛntuyɔ kòtaya heu tɔ. Ulena kɔtulɔ nyayasi-tɛɲi kəkɔ na kòtaya nyəntɔ lenti. Ulena í lá pəntulɔ ke isayatu husuyɔ kòtaya na Isò tayani-ɪ-ti.

5

Saa wei pɛ wɛɛ si pá la isayatu husuyɔ sɔɔsi tɔ

¹ Saa wei pə wɛɛ si pá la isayatu husuɣu sɔɔsi tɔɣɔlo: Ye isu yulu nuwa pa yɔɣɔtəna tuunav si, í ləsi aseeta ke təm nti ɪ nawa na ɪ nyəma tɔ. Ulena í kisi tɔ yɔɣɔtɔɣu, pə isayatu wɛɛ ɪ nyuɣu taa ké.

² Lentɪ de, ye isu pə yukəna yulu, na í tokina asilima pulɔpu. Paa kpəntɛ kusəpələ. Təyaya nyəntɛ, yaa taale nyəntɛ, yaa nyamanyama nɔɣɔlo, ɪ təm səpaya, na í pəsi asilima tɔ.

³ Ye isu pə yukəna nɔɣɔlo, na í tokina yulu asilima naali, na pé pilisi-ɪ. Ulena í kɔɔ í cekəna, ɪ təm səpaya.

⁴ Yaa pə yukəna nɔɣɔlɔɣu tanaav taa, na í tuuna kɔpantu yaa isayatu. Ulena í kɔɔ í cekəna, ɪ təm səpaya.

⁵ Ye wei ɪ lapa isayatu nti pa kɛesa isəntɔ tɔ tɔ taa natəli, pə wɛɛ si pɔntu í huli-təɣi kətulu, na í tisi si ɪ təm səpa. ⁶ Na í kəna heu yaa pəɣ na ɪ la isayatu husuɣu kətaya. Ulena kətulu lapɪ-ɪ pə sɔɔsi.

Kɔnyəntɔnaa sɔɔsi

⁷ Ye yulu wu heu yaa pəɣ si í lana isayatu husuɣu kətaya. ɪ pəsəɣi na í caa ihokasi naale yaa alukukunaa naale, na í pona Taca təyaya taa. Ulena í lá lelu ke isayatu husuɣu kətaya, na lelu ke kətaya ŋka kəkə lusa tɔ. ⁸ ɪ cɛləɣi kətulu ke pa naale, na ílé í hólí Iso ké isayatu husuɣu nyəŋ na í yəkɪ ɪ lumaya. Ama ɪ ceki nyuɣu. ⁹ Ulena í cosi caləm na í ŋmusi-wəɣi kətaya tɔlate kəŋkəməŋ tɔɔ. Ulena í pəli kukaasəm ke tɔ tɛɛ. Mɔpɔɣó pə wɛɛ si í la isayatu husuɣu kətaya təm taa. ¹⁰ Pə waali ké kətulu laki kətaya ŋka kəkə lusa ka təna tɔɣo alukuku naale nyəŋ, isu pa suw tɔ. Ulena í lá pəntulu ke isayatu husuɣu kətaya, na Iso husi-ti.

¹¹ Ye yulu fɛina alukukunaa naale, yaa ihokasi naale. ɪ pəsəɣi na í pona mɔlɔm kiloona tooso na í lá isayatu husuɣu kətaya. Ama pə fɛi si í siti

nim, yaa í tēni pə təə kə tulaalu kə. Mpi tə, pə kə isayatu husuyu kətaya kə, pə taya təyənaya nyəhka. ¹² I pukina molum mpəyi kətulv, lēna íl é í cosi-wəyi ηkute. Ntə tə kēna kvətəsəm sɪ Tacaa tənna pə tēna. Uēna í nyayasɪ pə na kətasi lensɪ nsi sɪ wε kətaya təlate təə təyə Tacaa. Ḿpógú pə wεε sɪ pá la isayatu husuyu səsɪ. ¹³ Uēna kətulv la pəntv kε isayatu husuyu kətaya na Isə husi-i-ti. Uēna kvkaasəm pəsɪ kətulv nyəm, isu təyənaya kvhav səsɪ təm taa.

Tayanuyv səsɪ

¹⁴ Ḿpógú Tacaa heela Moisi sɪ:

¹⁵ Ye pə yəkəna yulv, na í səə Tacaa kε cεlyv kε ɪ nyəm, pə wεε sɪ í kəna ɪwaav ηku kv tiili tá caamɪ tə, na í lá tayanuyv kətaya. I ləsəyi-kuyv kaləkv taa kə, na í mayasɪ na í ná sɪ kv liyitee tala isu pa suwa təsulle cokəle taa tə. ¹⁶ Uēna í felɪ Isə kə kəmle, na í səsɪ paa kakpasɪ wei í təə kə kolum. Mpi tə, ɪ wakələna Isə təyaya, lēna í cεla pə tənaya kətulv. Uēna íl é ɪ lentɪ kpəntε, na í la pəntulv kε isayatu tayanuyv kətaya, na Isə husi-i-ti.

¹⁷ Paa pə yəkəna yulv kə na í yəkɪ Tacaa kvəsutv, ɪ səyəlaa tətəyə. ¹⁸ Pə wεε sɪ í ləsɪ kaləkv taa kə ɪwaav ηku kv tiili tá caamɪ təyə. I mayasɪ na í ná sɪ kv liyitee tala isu pa suwa tə. Uēna kətulv lapɪ-i isayatu ntɪ pə yəkəna-i na ɪ la tə, tə tayanuyv kətaya, na Isə husi-i-ti. ¹⁹ Tasəkəle tayanuyv kətaya nté. Mpi tə, yulv unɪ ɪ ka wakələna Tacaa kə.

²⁰ Ḿpógú Tacaa heela Moisi sɪ:

²¹⁻²² Ye isu pa cεla yulv kε pulvpu suw, yaa ɪ kənta-wɪ, yaa ɪ ηmula-wɪ, yaa ɪ muɣulaa kə na í hiki-wɪ, yaa ɪ tu hii-wɪ na í kpεεsɪ. Uēna í looli na í tuu, na í takɪ isayatu isu mpv pə taka, ɪ wakələna Tacaa kə,

na ɪ tɔm səpa. ²³⁻²⁴ Ye kuyaku ŋku pə kula ɪ waali, pə wɛɛ si ɪ məŋna, yaa ɪ feli kpɛntɛ tɔ kɛ. Halɛna ɪ sɔɔsi paa kakpasɪ wei ɪ tɔɔ kɛ kɔlɔm, na ɪ kpɛntɪ na ɪ cɛɛɛ-ɪ. ²⁵ Pəɛ pə waali, pə wɛɛ si ɪ pona kɔtɔlv kɛ ɪsɔyɛtɔ tɔyɛnɔyɔ kɔtɔyɛ ɪwaav ŋku kɔ tiili tɔ caami tɔ. ɪ maɔasɪ na ɪ nɔ si kɔ liyitee tala ɪsu pa suwa tɔ. ²⁶ ɪɛna kɔtɔlv la pɔntɔ ɪnɔyɪ ɪsɔyɛtɔ tɔyɛnɔyɔ kɔtɔyɛ kɛ Tacaa kiŋ. Na ɪlɛ ɪ husɪ-ɪ-ti, paa tɔ kɛ nti.

6

Kɔtɔyɛ ŋka kɔkɔ lusa ka tɛna tɔ ka tɔɔ kɔsɔsɔtɔ

¹ Mɔpɔyɔ Tacaa tɔma Moisi si: ² Tɛɛsi Alɔŋ na ɪ lɔlvɔyɔ nyɛma kɛ kɔtasɪ nsi kɔkɔ lusaa tɔ, si tɔɔ kɔsɔsɔtɔ.

Pə wɛɛ si, kɔtɔyɛ ŋka ma kɔkɔ lusa mpɔ tɔ, kɔ wɛɛ kɔtɔyɛ tɔlatɛ taa kɛ ahoɔ tɛnɔyɛ, kɔkɔ ɪ taa tɛ. ³ Tɛv feŋ tananɔ ɪɛna kɔtɔlv tɔyɔli kpronkpontu tɔŋ nyɛntɔ kɔmsa, na ɪ suu pə capa, na ɪ kuu kɔtɔyɛ ŋkɛ ka tɔlɔma nim nyɛna na ɪ huti-yɛyɛ kɔŋkɔŋ taa tɛna. ⁴ ɪɛna ɪ layasɪ wontu na ɪ luna tɔlɔma anɔyɪ tɛsikile waali. Lonte nteyɛ pa lɛsɛna tɔ mpaa na pɔ lɔki tɔlɔma nim nyɛna. ⁵⁻⁶ Pə fɛi si kɔtɔyɛ tɔlatɛ kɔkɔ ɪ tɛ. Paa ɪfɛmlɛ nteyɛ kɔtɔlv ka nyɔtɔyɪ taasi kɔfasɪ. ɪɛna pɛcɔ ɪ tɛni kɔtɔyɛ ŋka kɔkɔ lusaa tɔ ka nantɔ, na nɔyɔ kɔlɔmɔyɛ kɔtɔyɛ kpɛntɛ nim cɔlɔ nim cɔlɔ kɛ pə tɔɔ.

Tɔyɔnɔyɛ kɔhav tɔɔ kɔsɔsɔtɔ

⁷ Ye tɔyɔnɔyɛ kɔhav tɔm taa, ɪɛ pə kɔsɔsɔtɔ ntɔ. Pə wɛɛ si Alɔŋ lɔlvɔyɔ nyɛma taa kɔtɔlv nɔyɔlv, kɔ ponna-keɔyɛ Tacaa kɛ kɔtɔyɛ tɔlatɛ kiŋ. ⁸ ɪɛna ɪ cɔsi mɔlɔm mpi pa sita nim tɔyɔ ŋkute na tulaaɔlv tɛna, na ɪ nyɔasɪ kɔtɔyɛ tɔlatɛ tɔɔ. Mpɔ pə kɛna kɔtɔsɔm si Tacaa tɛna pə tɛna, na ɪ caaki pə sɔɔsɔŋ. ⁹ Kɔtɔlɛ

ká tǝǝna pǝ kukaasǝm mpǝǝi Isǝ lonte taa ke tǝsulle cokǝle kataya taa tǝna. Ama pǝ fǝi si pǝ tǝsi pǝ tǝǝnaya na kukusum kǝ. ¹⁰ Mpi tǝ, kuhav ŋku pa ha Isǝ ma tǝ, kv taa kǝ ma cǝla-wǝǝe pa paa tete. Pǝ kǝ kate taa kate pulvǝv, isu isayatu husvǝv, yaa tǝǝnǝvǝv kǝtasi nantu. ¹¹ Uǝ Alǝŋ lulvǝv nyǝma apalu nyǝma tike kǝ tǝkǝna pǝ tǝǝnaya ŋke. Mpi tǝ, kǝtaya ŋka pa kǝna Tacaa ke mpǝ tǝ, ka hǝǝǝlvǝv kǝ pa nyǝm ke tam tǝ kǝ. Pǝ tǝ kǝ ye yǝlv kpai tu wei i ta ke Alǝŋ lulvǝv tu tǝ, i tokinaa, isu i sǝpa.

¹² Mǝpǝǝyǝ Tacaa tǝma Moisi si:

¹³ Ye pa kpawa Alǝŋ na i pǝyalaa ke kǝtǝlaa, na pǝ pǝli-wǝǝe nim, pǝ wǝe si pǝ kǝŋna-m kuhav ke mǝlvum kiloona toosoǝo paa kuvaku ŋku. Hǝǝǝlvǝv ke tananǝ na lǝŋkv ke taanaya. ¹⁴ Paa nuǝuti mǝlvum mpǝǝi na nim, na pǝ tǝ pǝ pǝtǝpǝtaya ke nyǝǝǝlvǝv kuvavǝv tǝ. Pǝ waali ulena pǝ pǝtǝti-ke na pǝ pona kǝtaya tǝlate tǝ, na Tacaa lǝŋle hǝena kǝtaya ŋke ka sǝsǝŋ.

¹⁵ Ye waatu nǝǝǝlv pa kpa Alǝŋ lulvǝv nyǝma taa nǝǝǝlvǝv kǝtvǝv sǝsǝ si, i lǝeti kupǝŋ lonte. Kuhav kuvǝmvǝv ŋkvǝv i kǝ kǝna, na i nyǝasi pǝ tǝnaya Tacaa mǝ. Pǝ kǝ ma kiiu tam tǝ nyǝŋkv kǝ. ¹⁶ Ye kǝtvǝv kǝnna i mayamaǝa i tǝǝnaya kuhav, pǝ wǝe si pǝ nyǝasi pǝ tǝnaya, pǝ taa pulv fǝi tǝǝv.

Isayatu husvǝv kǝtaya tǝ kuvǝsǝv

¹⁷ Mǝpǝǝyǝ Tacaa tǝma Moisi si: ¹⁸ Telǝsi Alǝŋ na i pǝyalaa ke isayatu husvǝv kǝtasi kuvǝsǝv.

Lonte nte tǝ taa pa lentǝǝi kǝtasi nsi kǝkǝ lusaa tǝ, si tǝla tǝǝ paa lentǝ isayatu husvǝv nyǝntǝ tǝtǝ. Pǝ nantu ke kate taa kate pulǝpǝv. ¹⁹ Kǝtvǝv wei i lapa pǝ tǝmlǝ tǝ, tǝsulle cokǝle kataya taa kǝ pǝ wǝe si i

təγə-təγi lonte nte tə wena tə mpaə tə tə taa. ²⁰ Ye yulb ke yem í tokinaa, í lepa. Tə caləm í yawa puuyv təə, lonte kulvmtəle nítə tə taa ké paə nyaali-wi. ²¹ Ye cuyv tiipile taa ké pa təsa pə nantv, ye pa tēma pə wēē sɪ pá yəki-tēγē. Ama ye nyəγəlvuyv kuvēemuyv nyəntē taa, íle pá nyaali-tēγē teu, na pá kilisina lum ke səsəm. ²² Kətəlaa na pa tēēsi taa apalaa tike ká təγəna nantv nti. Pə taya pulv, tə ké kate taa kate pulvpuuyv. ²³ Ama ye pa svvna kpəntē nte tə caləm ke təsulle cokəle taa, na pá lana isayətv husuyv kətaya ke Isə təyaya taa, tə nantv fei təγəv tətə. Pə wēē sɪ pá nyayasi-təγi kəkə ké.

7

Tayanuyv səsɪ təə kuvəsəsvtə

¹ Ḿpúγú Tacaə tasaa sɪ: Tayanuyv səsɪ kuvəsəsvtə ntə. Tə ké kate taa kate pulvuyv. ² Lonte nte tə taa pa lentəγi kətasi nsi kəkə lusaa tə, sɪ təla təγə paə lentí isayətv husuyv səsɪ nyəntē tətə. Uena kətulv ŋmusí tə caləm ké kətaya təlate kəŋkəməŋ təə. ³ Uena pá kəəli kpəntē nim cəlv nim cəlv təna. Pə krayav pə təna mpi pə pama pə taa lotu təə tə, ⁴ na timpee naale na a nim, na kəŋkəməŋ taa nyəm. Isu pa ləsvuyv həəle na pə kpenna timpee tə. ⁵ Uena kətulv nyayasi pə tənaya kətaya təlate təə. Tayanuyv kətaya nte. ⁶ Kətəlaa tēēsi taa apalaa tike ká təγəna nantv ntəγi lonte nte tə wena tə mpaə tə tə taa. Mpi tə, tə ké kate taa kate pulvuyv. ⁷ Tayanuyv kətaya na isayətv husuyv nyəŋka pə kuvəsəsvtə wē kulvmtə ké. Kətulv wei í lapa pə təmle tə, iní í tənna pə nantv kuvəasətv.

Kətəlaa nyəm

⁸ Ye ɪsu nɔɣɔlv kɔna kɔɛntɛ sɪ ɪ laki kɔtaya ŋka kɔkɔ lusaa tɔ. Kɔtɔlv wei ɪ lapa pɛ tɛmlɛ tɔ, ɪnɪ ɪ tɛnna tɔnɔyɔ. ⁹ Ye pa kɔna lɔɔ kɛ tɔɣɔnaya kuhaɔ, ɪsu potopoto, yaa kakalasi, yaa pɛtɛpɛtaya, yaa kɔtonɔm, ɪlɛ kɔtɔlv wei ɪ lapa pɛ tɛmlɛ tɔ, ɪnɪ ɪ tɛnna. ¹⁰ Ama pɛ kaasa tɔɣɔnaya kuhaan lɛlɛɣ tɔ. Paa nim kusitaya yaa kɔpɛtɛ nyɛŋka, kɔtɔlaa talɛɣɛna pɛ tɛnaya teitei.

Nɔɣɔ kulɔmaya kɔɛntɔyɔ kɔtasi tɔɔ kusɔɔsɔtɔ

¹¹ Nɔɣɔ kulɔmaya kɔɛntɔyɔ kɔtasi nsi pa laki Tacaɔ tɔ sɪ kusɔsɔtɔ nɔtɔ.

¹² Ye sɛɛtɔ kɔtaya kɛ pa lapa, pa pukina tɔtɔɣɔ kɔkɔsum fɛi kakalasi nsi pa sita nim tɔ, pɛ pɛtɛpɛtasi nsi sɪ tɔɔ pa taa-wɪ tɔ, na mɔlvɔm kɔpam mpi pa nuɣutina-wɪ tɔ pɛ kakalasi. ¹³ Pɛlɛ pɛ paasi, pa sɔɔsɔɣɪ kɔkɔsum potopoto kɛ sɛɛtɔ kɔtaya ŋkɛ ka tɔɔ. ¹⁴ ɪlɛna pɔ lɛsɪ kakalasi nsi sɪ tɔm tooso tɔɔ kɛ kulɔmaya kulɔmaya, na pɔ kpaasi ɪsɔtaa kɛ lɔɔ kɔtaya tɔlate kin. ɪlɛna kɔtɔlv wei ɪ ŋmusa kɔɛntɛ calɔm kɛ tɔ kɔŋkɔmɔɣ tɔɔ tɔ, ɪ kraɣa sɛlɛ. ¹⁵ Ye sɛɛtɔ kɔtaya kɔɛntɛ nantɔ ɪlɛ, pɛ wɛɛ sɪ kɔyaku ŋkɔ kɔ mayamaya kɛ paa tɔɣɔ-tɪ, pɛ fɛi sɪ tɔ fe tɛv.

¹⁶ Ye ɪsu nɔɣɔlv lapa nɔɣɔ kulɔmaya kɔɛntɔyɔ sɔɔsɪ, yaa ɪ ka su nɔɣɔ, ɪlɛna ɪ la pɛ sɔɔsɪ, pa pɛsɔɣɪ na pɔ tɔɣɔ pɛ nantɔ kɛ kɔyaku ŋkɔ, na pɔ tɔɣɔ pɛ kɔkaasɛtɔ kɛ pɛ tɛv kɔfɛmuɣɔ. ¹⁷ Ye tɔ tala kɔyaku tooso nyɛŋkɔ wule, ɪlɛ pɛ wɛɛ sɪ pɔ wɔ-tɔɣɪ kɔkɔ. ¹⁸ Wei ɪ tɔɣɔ pɛ nantɔ kɛ kɔyaku tooso nyɛŋkɔ wule, Tacaɔ kaa mɔ ɪ kɔtaya. Pɛyɛlɛ ɪ kɔtaya kaa waasi tɔtɔ. Pɛ pɛsa kusɔɣɔtɔ pulɔpɔ kɛ. Ye wei ɪ tɔɣaa pɛ mɛlɪ ɪ nyɔyɔ taa. ¹⁹ Ye pɛ nantɔ ɪ tokina asilima pulɔpɔ, tɔ fɛi tɔɣɔv tɔtɔ. Kɔkɔ kɛ paa nyayasi-tɪ.

Pə wεε si mpa pa feina asilima tɔ, pa tike paa tɔɔna pə nantu. ²⁰ Ye ɪsu nɔɔlɔ wε asilima taa, na pá la Tacaa ke nɔɔ kulumaya kpentuyɔ kɔtaya na pɔntu tɔɔ, pə wεε si pá læsi-ɪ lseyeli kpekəle taa. ²¹ Mpu tɔtɔɔ ye nɔɔlɔ tokina asilima tu, paa yulɔ, paa kɔrəntɛ. Ilena pɔntu tɔɔ kɔtaya ŋke ka nantu. Paa læsi-ɪ tɔtɔɔ lseyeli kpekəle taa.

Isɔ kisina ɪ yalaa ke nantu nim na tɔ caləm tɔɔ

²² Mpu Tacaa tɔma Moisi si: ²³ Teləsi lseyeli nyɔma si: Pə fei si í tɔɔ pulɔpu nantu nim. Paa nau yaa heu yaa pɔ́ŋ. ²⁴ Kɔrəntɛ kusəpələ, yaa nte pə kɔwaa na pə cəli tɔ, tɔ nim fei tɔɔ. Ama í pəsəyi na í lana-wəyi paa mpi. ²⁵ Ye nɔɔlɔ tɔɔ tɔla nna pa laki Tacaa ke kɔtaya ŋka kəkə lusaa tɔ ka nantu cəka nim nyəŋka, pə wεε si pá læsi-ɪ lseyeli kpekəle taa ké. ²⁶ Mpu tɔtɔɔ paa timpiyi í ká caya, pə fei si í tɔɔ sumaya yaa wontuyɔ nakuli ku caləm. ²⁷ Ye wei ɪ tɔɔ caləm pə wεε si pá læsi-ɪ lseyeli kpekəle taa ké.

²⁸ Mpu Tacaa tɔma Moisi si: ²⁹ Teləsi lseyeli nyɔma ke kusəsutɔnaa panɛ si: Ye yulɔ lapa nɔɔ kulumaya kpentuyɔ kɔtaya, pə wεε si, í læsi Tacaa paa tete ké, na í cələ-ɪ. ³⁰ I mayamaya ɪ niŋ ká təkəna na í pona Tacaa ke nantu nim cəlɔ nim cəlɔ, na laŋle si pá nyagasí kəkə. Ilena í ha laŋle nteye Tacaa ke Isɔ kɔtaya tɔlate kiŋ. ³¹ Aləŋ na ɪ pəyalaa pa tɔtɔɔle nté. Ilena kɔtulɔ nyagasí nantu nim nyəntu ke kɔtaya tɔlate tɔ. ³² Pə wεε si pá læsi nɔɔ kulumaya kpentuyɔ kɔtaya yule ntɔɔŋ nyəntɛ na pá cəla kɔtulɔ. ³³ Kɔtəlaa taa wei ɪ pukina kɔrəntɛ caləm na tɔ nim ke kɔtaya tɔlate tɔ tɔ ɪ paa tete nté. ³⁴ Tacaa mayamaya heelina lseyeli nyɔma me si, í læsi nɔɔ kulumaya kpentuyɔ kɔtaya kɔrəntɛ yule, na pə laŋle na í cəla kɔtulɔ Aləŋ

na ɪ lɔlɔyɔ nyɛma. Mpi tɔ, nantu nti tɔ kɛ pa paa nyɛm kɛ tam tɔ kɛ.

³⁵ Mpi mpi pa kɔla Taca kɔtasi tɔ tɔ, pɔ pɛsɛyi Alɔɲ na ɪ pɛyalaa pa nyɛm kɛ kuyɛŋku pa kra-wɛɣɛ Taca kɔtɔyɔ tɛmlɛ taa tɔɔ. ³⁶ Taca tɔna Iɛɣɛli nyɛma si, pɔ cɛla-wɛɣɛ kuyɛŋku pa kraa-wɛɣɛ kɔtɔlaa na pɔ pɛli pa nyɔɔɲ taa kɛ nim tɔ. Pɔ wɛɛ si ɪ tɔki kusɛsutɔ tɔnɛɣɛ tam tɔ kɛ.

³⁷ Kɔtaya ŋka kɔkɔ lusa ka tɔna tɔ, na tɔɔɔnaya nyɛŋka, na ɪsayaɔ huɔyɔ nyɛŋka, na tasɛkɛle tayaɔyɔ nyɛŋka, na kɔtɔlaa tɛmlɛ taa suu nyɛŋka, na nɔɔ kɔlɔmaya kɛntɔyɔ pɔ kɔtasi kiɪɲ ntɛ.

³⁸ Taca suna kiɪɲ ɪnɔɣi Moisi kɛ pɔyɔ ŋku pa yaa si Holɛpɔ tɔ ku taa. Kuyaku ŋku tɔtɔɔ ɪ tɔwa Iɛɣɛli nyɛma kɛ wolaya tɛtɔ taa si, pɔ lakɪ-ɪ kɔtasi nsi.

KɔTɔLAA KANCAALAYɔ NYɛMA TɛMLɛ TAA SUU

8

Kɔtɔlaa tɛmlɛ taa suu kɔtaya

¹ Mɔpɔyɔ Taca tɔma Moisi si: ² Yaa Alɔɲ na ɪ pɛyalaa kɛ tɛsulle cokɛle nɔnɔɔ. ɪlɛna ɲ yele na pɔ kɔna kɔtaya wontu kususutu, na pɔ nim mpi pa pɛlɛɣi nyɔyɔ taa tɔ. Na pɔ kɔna ɪsayaɔ huɔyɔ kɔtaya nau apalɔ nyɛɲ, na ɪwaan naale, na potopotonaa mpa pa taa kɔkɔsum fɛi tɔɔ cɛkɔlaya. ³ ɪlɛna ɲ kotɪ Iɛɣɛli nyɛma kɛkɛle tɔna tɔtɔɔ lonte ɲtɛ tɔ taa.

⁴ Mɔpɔyɔ Moisi lapa ɪsu Taca tɔyɔ-ɪ tɔ, na Iɛɣɛli nyɛma kɛkɛle kotɪ tɛsulle cokɛle nɔnɔɔ. ⁵ ɪlɛna ɪ heeli-wɛ si nti Taca suwa tɔɔlɔ. ⁶ Ntɛna Moisi yele na Alɔɲ na ɪ pɛyalaa pɔ kɔ na ɪ sɔ-wɛɣɛ kɔtaya lɔm. ⁷ ɪlɛna ɪ suu Alɔɲ kɛ pɔtɛɛ toko, na ɪ lɔli-ɪ tampala,

na í suu-ı capa. Uena í paa-ı kōtaya pente taka^a, na í tamsı ı ηmusı ke ı sıyile taa. nōxōluyu, na pá paaki pa laŋa taa isu kukunaa paaki saalaya ηka tō pō taka. ⁸ Uena í paa-ı laŋle huluyu, na í tō kv taa ké wala pee taka^a ke naale. Anəxi pa mayasayana na pá nyəŋ Iso kuyəxōtutu. ⁹ Ntēna í temı-ı nyuyū saalaya, na í matı ka tōō ké Iso kuyusuyū. Kule kv ké wola ké, na kv we isu tūyū hetuyū. Uisentaa tōō ké ı matəna kuyusuyū ηkv, isu Tacaa ka keesuyū-ı tō.

¹⁰ Ḿpógó Moisi kpayā kōtaya nim, na í fēni təsulle cokəle, na tē taa wontu tēna, na tē pəsi Iso nyəm. ¹¹ Uena í ηmusı kōtaya nim ke təm naatosompəxōlaya ke kōtaya tēlate na tē wontunaa tōō. Lım kusəŋəm cəmse sōsō na pē kpete tōō ké ı ηmusa nim mpi sı wontu ntı tē pəsi Iso nyəm. ¹² Na í pəli Aləŋ nyuyū taa ké kōtaya nim, na í pəsi Iso nyəŋ. ¹³ Pəle pə waali ké ı yelaa na Aləŋ pəyalaa kprətəna, na í suu-weyə pa capanaa, na í ləli-weyə pa tampalanaa. Uena í pa-weyə pa kahusi ke teitei isu Tacaa ka suw tō.

¹⁴ Ḿpógó Moisi yelaa na pá kəna ısayatu husuyū kōtaya nav apalunyəŋ. Uena Aləŋ na ı pəyalaa pá tənı nıŋ ke ı nyuyū tōō. ¹⁵ Ḿpógó Moisi lentā-ı, na í lii mpəle ke ı caləm taa, na í nyətō Iso kōtaya tēlate ηkuluŋası taa hələŋası tōō, na pē tayanı-te. Uena í pəli caləm kukaasəm ke kōtaya tēlate tēē. Isəna ı lapa na kōtaya tēlate pəsi Iso nyəntē na pá lakəna-teyē ısayatu husuyū kōtası tōxəle. ¹⁶ Ḿpógó Moisi kōala nim tēna, mpi pə pama kprəntē lotu tōō tō. Paa timpee naale na

^a **8:7** kōtaya pente taka: Wontuyu ηku pa yaa sı kōtaya pente tō, kv ke kōtəlaa toko ^a **8:8** wala pee taka: Pē ké kōtaya wontu ntı pa naakayana Iso luyū nyəntv tōxə. Tē ta nyı isəna pa lakayana-tı tō.

a nim, na í seti hǎale nǎǎ, na í nyagasi pǎ tǎnaya Isǎ kǎtaya tǎlate tǎǎ. ¹⁷ Pǎ kaasǎǎi nav inǎ i tǎnyu na i nantu na pǎ taa lotu, ilena pǎ luna pǎ tǎnaya tesikile waali, na pǎ nyagasi kǎkǎ, isu Taca a ka suw tǎ.

¹⁸ Mǎpǎyǎ pǎ kǎna kǎtaya ŋka kǎkǎ lusa ka tǎna tǎ ka iwaav, na Alǎŋ na i pǎyalaa pǎ tǎni pa nin ke ku nyuǎu tǎǎ. ¹⁹ Moisi lenta-ku, ilena i ŋmusi ku calǎm ke kǎtaya tǎlate kǎŋkǎmǎŋ tǎǎ. ²⁰ Ulena i faǎa-kuǎu piliŋasi, na í nyagasi pǎ na pǎ nyuǎu na pǎ nim. ²¹ Ulena í nyaali lotu na nǎŋkraasi ke lǎm, na í nyagasi pǎ na nantu nti tǎ kaasaa tǎǎ kǎtaya tǎlate tǎǎ. Kǎtaya ŋka kǎkǎ lusa tǎǎ. Ka sǎǎsuŋ ke Taca a caaki.

²² Mǎpǎyǎ Moisi yelaa na pǎ kǎna iwaav naale nyǎŋku ŋku paa la kǎtaya na pǎ suǎi Alǎŋ na i pǎyalaa ke kǎtǎlaa tǎmle taa tǎ. Ulena pǎ tǎni pa nin ke ku nyuǎu tǎǎ. ²³ Mǎpǎyǎ Moisi lenta iwaav ŋku, ilena í lii ku calǎm na í taa-wǎǎi Alǎŋ ŋkraŋuǎu ntǎǎŋ nyǎŋku nǎǎ taa. I taa-wǎi tǎtǎǎ i apalǎmpǎle ntǎǎŋ nyǎntǎ tǎǎ, na i apalǎnǎmpǎle ntǎǎŋ nyǎntǎ tǎǎ tǎtǎ. ²⁴ Ulena í yele na Alǎŋ pǎyalaa kǎ na í taa calǎm tǎtǎǎ pa ntǎǎŋ ŋkraŋŋ nǎǎsi taa, na pa ntǎǎŋ apalǎmpee na apalǎnǎmpee tǎǎ. Ulena í ŋmusi calǎm kukaasǎm ke kǎtaya tǎlate kǎŋkǎmǎŋ taa. ²⁵ Mǎpǎyǎ Moisi kraǎa iwaav nantu nim nyǎntǎ. Isu suka, na lotu taa nim, na hǎale nǎǎ, na timpee naale na a nim, na yule ntǎǎŋ nyǎntǎ. ²⁶ Ulena í lǎsi kukusum fei potopotonaa mpa pa ha Isǎ tǎ, pa tǎku taa kǎ pǎ kakalaya kulǎmaya, na nim nyǎŋka, na tinte paǎale, na í su nantu nim nyǎntǎ na ntǎǎŋ yule pǎ tǎǎ. ²⁷ Ulena í tǎ pǎ tǎnaya Alǎŋ na i pǎyalaa pa nin taa, na í heeli-we si pǎ ha-tǎǎi Taca a. ²⁸ Pǎ waali kǎ Moisi mu kuhaaŋ inǎǎi pa nin taa na í nyagasi i kǎtaya tǎlate

təə ké kətasi nsi kəkə lusaa tə si təə. Kətəlaa təmlə taa suu kətaya nte. Pə kətaya ŋka kəkə lusa ka tənə təyəle. Pə səsəŋ ke Tacaa caaki. ²⁹ Mprúyú Moisi kraya kətəlaa təmlə taa suu kətaya kpənte laŋle, na í ha Tacaa ke kətaya təlate kiŋ. Uena nantuyə ŋku ku pəsi Moisi nyəŋku isu Tacaa ka suw tə.

³⁰ Pə waali ké i kraya kətaya nim, na caləm mpi pu we Isə kətaya təlate təə təyə pəcə, na í ŋmusi Aləŋ na i wontu təə. Na i pəyalaa na pələ pa nyəntu təə tətə. Uena Aləŋ na i pəyalaa na pa wontu kəsusuutu pa pəsi Isə nyəm.

³¹ Mprúyú Moisi heela Aləŋ na i pəyalaa si: I təsi heu apalə naale nyəŋ nantu ke təsulle cokəle nənəyə. Uena í təyə-təyi tənaya mə mayamaya, na potopotonaa mpa pa lapa kətaya təə tə. Isu ma keesuyume tə. ³² Ye pə kaasa nantu yaa potopoto, pə wəe si í ká wə kəkə. ³³ I ká caya təsulle cokəle nənəyə ke kuyeyə naatosompəyolaya. Pə fei si í lu tənə. Haləna mə təmlə taa suu kətaya kuyaku kancalaya na kantəkaya nyəŋku wule. ³⁴ Tacaa mayamaya suna si pə la isu pə lapu saŋa isəntə tə. Uena pəcó pə husi mə isayatu. ³⁵ I caya təsulle cokəle nənəyə ke ilim na ahoo ke wəe naatosompəyolaya inu na í təkí Tacaa kəsəsutu. Ue í kaa sí. Moisi si: Nti Isə heela-m təyəle.

³⁶ Mprúyú Aləŋ na i pəyalaa pa lapa nti Tacaa ka heela Moisi na í teləsi-wə tə.

9

Aləŋ na i pəyalaa pa kancalaya kətasi

¹ Mprúyú kuyaku pələfei naanəwa nyəŋku wule, Moisi yaa Aləŋ na i pəyalaa na lseyeli səsaa tətə.

² Uena í heeli Aləŋ si: Caa nawle nte tə tiili tá caamu

na paa la-teye isayatu husuyu kotaya to. Na heu apalu wei i tiili tá caami na paa lapu-i kotaya nka kəkə lusa ka tēna to, na n kəna pə naaleye Tacaakiñ. ³ Pə waali, ilena n tu lseyeli nyéma na pá kəna pəntulyu nku paa la isayatu husuyu kotaya to. Na pənaɣa kulumaya navle na pə iwəyaya mpa pa tiili tá caami, na paa la-weye kotaya nka kəkə lusa ka tēna to. ⁴ Na nav na heu apalu nyəñ wei paa la nəɣo kulumaya krentuyu kotaya to. Na təɣonaya kəhav nku pa nuɣutina nim to. Mpi to, saña mayamaya ke Tacaakiñ huli-meɣe i ti.

⁵ Waatu wei pa kəna təsulle cokəle nənəɣo ke mpi mpi pə həla Moisi yaawa to ilena lseyeli nyéma tēna kɔtəna cokəle nte na pá səñ Iso təyaya kiñ. ⁶ Ilena Moisi to si: Nti Tacaakiñ tu-me təɣole. I la-ti, na Iso teeli wee mə heku.

⁷ Mpyú Moisi təma Aləñ si: Kɔtəna Iso kotaya təlate na n ləsi tə təo kə isayatu husuyu kotaya, na nka kəkə lusa ka tēna to. Ilena n la isayatu husuyu kotaya ke i na yəlaa pa nyəñ təo. Pə waali, ilena n la yəlaa nyəñ təo kə kotaya, na n la-weye isayatu husuyu nyəñka, isu Tacaakiñ suw to.

⁸ Mpyú Aləñ kɔtəna Iso kotaya təlate, na i lenti navle na i la-teye i isayatu husuyu kotaya. ⁹ Ilena i pəyalaa pona-i tə caləm na i lii pə taa kə mpəle. Ilena i taa Iso kotaya təlate hələnasi təo, na i pəli-wəɣi tə tee. ¹⁰ Kelena i nyayasi tə təo kə kɔtənte nim cəlo nim cəlo. Na timpee na həəle, isu Tacaakiñ tuyu Moisi to. ¹¹ Pə yela nantu na tənuyu, ilena pá luna təsikile waali na pá nyayasi kəkə.

¹² Mpyú Aləñ lenta heu apalu nyəñ wei kəkə lusiɣi i tēna to. Ilena i pəyalaa cəle-i kɔtənte caləm na i

ημυσι-wəxi kətaya təlate kəŋkəməŋ taa. ¹³ Na pá cele-i tətəɣə tə nyəyɔ na tə nantu na pá seta-təxi tilima, na í nyayasi-təxi Iso kətaya təlate təw. ¹⁴ Ulena í nyaali pə taa lotu na nəŋkpaasi na í nyayasi-təxi nantu lentɪ təw.

¹⁵ Pə waali ké Aləŋ lapa Tacaa ke yəlaa kətasi. I kpaɣa pəŋtɔlvɔy ηku yəlaa ka kəna pa isayatu husuyɔ təw tə. Ulena í lentɪ-ku, na í lá-kuɣu kətaya isu i ka lapu navle tə. ¹⁶ M̀p̀r̀ỳg̀ú i lapa krəna naale inəxi kətaya ηka kəkə lusa ka təna tə, isu pa suw tə. ¹⁷ Ulena í pona təɣonaya kəhav, na í cosi ηkute na í nyayasi-təɣe kətaya təlate təw, na í krəna paa kuyaku ηku ku kətaya ηka kəkə nyaya ka təna tə. ¹⁸ M̀p̀r̀ỳg̀ú i lentɪ na heu apalu wei yəlaa ka kənaa si pa laki nəɣə kulɔmaya krentvɔy kətaya tə. Ulena i pəyalaa cele-i krəna anɪ a caləm na í ημυσι Iso kətaya təlate kəŋkəməŋ təw. ¹⁹ Na pá cele-i tətəɣə nav apalu nyəŋ nantu nim nyəntu, na heu apalu nyəŋ suka, na pə taa lotu təw nim na timpee na həəle. ²⁰ Ulena í tənɪ nim cəbə nim cəbə nantvnaa mpeɣe krəna anɪ a naale a laŋa təw. Ulena Aləŋ nyayasi nantu nim nyəntu ntəxi kəkə ke kətaya təlate təw. ²¹ Na í ha Tacaa ke laŋa anɪ na ntəɣəŋ yule ke Iso kətaya təlate kɪŋ ke teitei isu Moisi ka keesvɔy-i tə.

²² Waatu wei Aləŋ tema isayatu husuyɔ kətasi na nsi kəkə lusa si təna tə na nəɣə kulɔmaya krentvɔy nyəŋsi ke lapu, ulena í kpaasi i niŋ na yəlaa təw na í təŋsi-wəɣe nəɣə kupaŋka. Ulena í lu Iso kətaya təlate təw na í tii.

²³ M̀p̀r̀ỳg̀ú Moisi na Aləŋ pa suv təsulle cokəle taa. Waatu wei pa luwa, ulena pá təŋsi yəlaa ke nəwsi kupaŋsi. Ulena Tacaa teeli na yəlaa təna heku.

²⁴ Tənaɣa kəkə kulaa na ká nyaya kətaya ηka kəkə

lusa ka tēna tō, na nantv nim nyəntv. Yəlaa tēna ná mpv, ɔlena pá yaɣa laŋholumle kakiisası na pá hoti pa isentōó ké atē.

10

Láyáɣa tō kvsəsutv

¹ Ḿpúyú Aləŋ pəyalaa naale, Natapı na Apihu, pa kpaɣa pa tulaalv cofolonaa na pá hee kəkə na pá tó tulaalv ké ka tō. ɔlena pá lá Tacaa ke tulaalv kətaya kpaı nyəŋka. Pa ta təŋ isəna Isə ka suwa tō. ² Tənaɣa kəkə nakəli luna cokəle taa, na ká nyaya-weyɣe kpaakraa na pa isɛ. ³ Ḿpuyule Moisi tōma Aləŋ sı: Tacaa tēma-meyɣe-təyi kpaalvɣv ke saa wei ı təŋaya sı:

Ma caaki ké sı mpa pa kpətəɣəna-m tō,
pá nyana ma tənəŋŋ weɛtv, na pá to-m teeli ke yəlaa
təna kin.

ɔlena səɣəntv anaam pu Aləŋ na ı su təkulum.

⁴ Ḿpúyú Moisi yaa Aləŋ caa taalv Wusiyeli pəyalaa, Mikayeli na ɔlisafəŋ sı: ɔ polo í kpaɣa mə tɛtənaa mpa pa səpa təɣə cokəle kin, na í luna na í hatələna təsikile. ⁵ ɔlena pá polo pa ləsi sətəa mpe, na pa capanaa ke tɛsikile waali, ısu Moisi yəɣətvɣv tō.

⁶ Ḿpúyú Moisi heela Aləŋ na ı pəyalaa lelāa naale, ɔlasaa na ɔtamaa sı: ɔ taa yelee mə nyəəsı səyɛlvɣv, yaa í cəli mə wontu ke láyáɣa tō. Ṕ taa kəə na í kəna mə tōó ké səm, na Tacaa mv ɔseyeli kpekəle tēna na pááná. ɔ yelee mə tɛtənaa ɔseyeli nyəma na pá caya mpa Isə kəna kəkə tō pa láyáɣa. ⁷ Aləŋ pa maɣamaya pá taa hatələna təsulle cokəle nənəɣə tēna. Ṕ taa kəə na pá sí. Pə taya pulv, kətaya nim mpi pa pəla-me tō, pə pəsa-meyɣe Tacaa təmle nyəma ké.

Μρύγύ Αλῆν na ι pəyalaa pa muwa Moisi təm nti.

Sulum toj nyəm təə kvsəsutu

⁸ Μρύγύ Tacaa tōma Αλῆν si: ⁹ Pə fei si nyana nyá pəyalaa mə taa nəχəlv í nyəə sulum, yaa kəkəkum napəli, na pəcó í suv təsulle cokəle taa. Ye í lapa mpv, í ká si. Kiiu ηku pə wεε si mə na mə loluχv nyéma í ká təkí tam təə təχəle. ¹⁰ Uena pəcó í pəsi na í fayasi Isə nyəm na krai nyəm, na asilima na kupa. ¹¹ U taa nyəə-wi tətəχə waatu wei ι seχesəχi Isεχeli nyéma ke kiiη wei ι təna Tacaa ka hula Moisi na í teləsi-me tə.

Kətaya nantu təə kvsəsutu

¹² Μρύγύ Moisi heela Αλῆν na ι pəyalaa naale, Uasaa na Itamaa mpa pə kaasa-ι tə si: U kraχa Tacaa təχənaχa kvhav ηku kəkə nyaxaa na kú kaasi tə. Uena í tú kəkvsəm fei kakalasi, na í təχə-səχi Isə kətaya təlate kiη. Mpi tə, pə ké kate taa kate təχənaχa ké. ¹³ Isə lonte kate nyənte taa ké í ká təχə-ké. Tacaa təχənaχa kvhav ηku ι ha Αλῆν na ι piya ke pa paa tete isu ι ka heeluyu-m təχəle. ¹⁴ Təla wena Isεχeli nyéma laki nəχə kulumaχa krentuχv kətaya, na pá ha lanle na yule ke Tacaa ke Isə kətaya təlate kiη tə, tə pəsa mə paa nyəm ké. Ue nyana nyá pəyalaa na mə alaa nyéma í ká təχəna-təχi lonte nanη nyənte taa. ¹⁵ Pə wεε si Isεχeli nyéma í kəna yule na lanle, na pə səsəna nim cəlv nim cəlv nantu. Təleχe kətəlaa wəki kəkə ke kətaya təlate təə ké waatu wei pa tema-təχi Tacaa ke hav ke kətaya təlate kiη tə. Uena tə pəsi nyana nyá pəyalaa mə nyəntv ke tam təə isu Tacaa yəχətuχv tə.

¹⁶ Μρύγύ Moisi pεeka pəηtuχv ηku pa lapa kətaya ke yəlaa isayatu husuχv təə tə kv təm. Uena í nu

si pa nyagasa-koyu kəkə. Ntəna í mu pááná na Aləŋ pəyalaa ɪlasaa na ɪtamaa. Ḿpúyú í pəəsa-wə si: ¹⁷ Pepe təə ḱé í tá təyə kətəyá ŋke ka nantu ke lonte kate nyəntə taa? Mpi pə təə tə, pə ḱé kate taa kate təyənaya ḱé. Taca a ka hana-meyə kprəntə ńt́é si í waasi ɪseyeli kpekəle ke pa kawalaya. ɪlɛna í lá pa nyəəŋ təə ḱé ɪsayatu husuyu kətəyá. ¹⁸ ɪ kprəntə caləm ta polo ɪsə təyaya taa, pu wɛɛ ḱé si í təyə tə nantu ke lonte kate nyəntə taa, ɪsu maa heeluyu-mə tə.

¹⁹ Mpuuyə Aləŋ cəwa Moisi si: Nyəni, saŋa ke ma pəyalaa lapa pa ɪsayatu husuyu kətəyá, na ŋka kəkə lusa ka təna tə. Pəcə n nyəma laŋwakəlle nte tə mayana-m tə. Maa pəsi na má təyə ɪsayatu husuyu kətəyá kprəntə nantu na? Taca laŋle ká heena-m?

²⁰ Moisi nuwa təm nti, ɪlɛna ɪ mu-ti.

MPI PƏ KƏ ASILIMA NA MPI PƏ KƏ KUPAM TƏ PƏ TƏM

11

Təla asilima nyəna na kupana pə təm

¹ Ḿpúyú Taca heela Moisi na Aləŋ si: ² ɪ teləsi ɪseyeli nyəma si, aɛ təla taa, nna nna í ká təyə təyələ, ³ nna a acəwa fayaa, na á wɛna talasi tə. ⁴⁻⁶ Ama pə fɛi si í təyə yooyoo, na puɣu namaya, na kpaɛa. Təla anɪ a wɛna talasi yaa, ɪlɛ a acəwa ta fayá ḱé. ⁷ Pə fɛi si í təyə afa tətə. Mpi tə, paa ɪ acəwa fayaa tə, ɪ fɛina talaya. ⁸ Pə wɛɛ si í nyəni təla anəyi asilima nyəna ḱé. ɪ taa təyə-yɛ. Pəcə í taa tokina a kusəpɛɛ ke tokinau mayamaya.

⁹ Ye pə kaasa ləm taa wontu ɪlɛ, í təyə tiina wɛna a wɛna ləm yaaləŋ na setu tə. ɪ kii wɛna a fɛina mpv tə. ¹⁰ Pə kaasuyu ləm təna taa wontu lɛnti, yaa pə

nyamanyamanaa mpa pa feina lvm yaaləŋ na setv tə, pə ké-meyε acaalətv ké. ¹¹ I nyəni-təŋi asilima, í taa təŋə-ti, yaa í tokina tə kvsəpətv. ¹² I kii lvm taa wontu təna nti tə feina lvm yaaləŋ na setv tə.

¹³⁻¹⁹ Sumasi nsi pə wεε si í nyəni asilima na í kii si təŋəv təŋələ: Yεpeleku, na kpimle, na hekələ, na katəkətvv, na taataa, na təŋənakpeluyv, na kulaałv, na tintəkələŋa, na sεmυv, na si piitimnaa təna.

²⁰ Pə wεε si í nyəni asilima ke nyamanyamanaa mpa pa təna pa wena keŋ na nəhεε liyiti tə. ²¹ Ama í təŋə pa taa mpa pa wena keŋ na nəhεε liyiti na nəŋkpaasi na pá ŋmaaki tetv tə tə pa təna. ²² Pa taa mpa í ká təŋə təŋələ cələŋ na i looŋa təna, na kutolon na kv looŋa təna. ²³ Pə kaasa lentv nti tə wena keŋ na nəhεε liyiti tə, í nyəni-təŋi asilima pulv.

Təla na wontu nti tə kvsəpətv tokinav pilisiyi yulv tə

²⁴⁻²⁵ Wontu lentv wεε, ye yulv í kpaya tə kvsəpətv, yaa i tu tokina-ti, pə pilisa-i ké. Pə wεε si í cətə i wontu kvsusuutu, na í caya mpyóyó asilima taa, haləna taanaya. ²⁶⁻²⁸ Nti nti pə wεε si í nyəni asilima təŋələ nti tə acvwa ta faya, na tə feina talasi tə. Na nəhεε liyiti nyəntv təna nti tə wena səkraŋ tə. Ye wei í kpaya tə kvsəpətv pə wεε si í cətə i wontu na í caya asilima taa, haləna taanaya.

²⁹⁻³⁰ Wontunaa mpa í ká nyəni asilima ke nti nti tə təŋ tə lotv tə təŋələ kvntəlvkpanaa camna^a, na mpiiu, na cimlee, na a piitimnaa, na caŋasi. ³¹ Wontu səkpetu nti tə taa nti í ká nyəni asilima

^a **11:29-30** kvntəlvkpanaa camna: Pεle pa te mpiiu nəŋəłv, i wεεtv na i yaasi wε teitei isu fu. Ama i təəməŋ wε isu mpiiu.

təyɔle. Ye wei ɪ tokina tə taa kʊsəpɔyɔ, ɪ ká wɛɛ asilima taa ké, haləna taanaya. ³² Ye tə kʊsəpɔyɔ hota wontu nti pa lakəna tə tə taa nakʊli taa, kʊle kʊ pəsa asilima ké. Paa kʊsaakəm, paa wontu kʊsusuutu, yaa tənɔyɔ pʊlɔpɔ, yaa huluyɔ. Paa wontuyɔ ŋku te, pə wɛɛ sɪ pá nyaali-kuyɔ na lʊm na kʊ caɣa asilima taa, haləna taanaya. Pə waali ke paa nyəni-kuyɔ kʊpaŋkʊ. ³³ Ye cuyɔ tiyaya taa ké tə taa nakʊli hotaa. Tiyaya na ka taa nyəm təna, pəsəyɪ asilima ké. Pə wɛɛ sɪ pa yəki-ke. ³⁴ Ye pa pəla tiyaya ŋke ka taa lʊm ke təyənaya kʊpaŋka tɔɔ, kele ka pəsəyɪ asilima ké. Yaa pɪ ke kʊnyɔnyɔm kʊpam, pə pəsəyɪ asilima tətəyɔ. Paa tiyaya ka ké ŋka. ³⁵ Paa mpi pə tɔɔ ké wontu tənɛ tə taa kʊsəpɔyɔ hotaa, pɪ pəsɪ asilima ké. Ye pə ké potopotona məsaya, yaa məsaya kʊtəsaya taa ke kʊ hotaa, pə wɛɛ sɪ pá yəki-keɣe. Mpi tɔ, pə ke-meyɛ asilima ké, na í ká nyəni-wəyɪ asilima. ³⁶ Ama ye isu hite yaa ləkɔ taa ké wontuyɔ kʊsəpɔyɔ hotaa, lʊm kaa pilisi. Ile wei ɪ ka tokina-kʊ təyɔle asilima tɔ. ³⁷ Ye isu pee wena pa suwa sɪ pa tuuki tɔ, a tɔɔ ké wontuyɔ ŋku kʊ kʊsəpɔyɔ hotaa, a kaa pilisi. ³⁸ Ama ye kʊtətəyɔna ke pa wɔsa lʊm, na wontu nti tə taa nakʊli kʊsəpɔyɔ hoti pə taa, ile a pilisaa kele.

³⁹ Ye isu kpəntɛ nte pa ha-meyɛ mpaa sɪ í təyɔ tɔ, tə səpa, na nəyɔlɔ tokina-te, ɪ ká wɛɛ asilima taa ké, haləna taanaya. ⁴⁰ Wei ɪ səyɔla kpəntɛ nté, yaa ɪ tu təyɔ-te, ɪ ká cɔtɔ ɪ wontu ké, na í wɛɛ asilima taa, haləna taanaya.

⁴¹ Pə wɛɛ sɪ í kii nyamanyamanaa mpa pa təŋ tetɔ tɔɔ təyɔ, na í nyəni-weyɛ acaalətɔ. ⁴² Paa mpa pa tuuki, yaa pa təŋ nəɔhɛɛ liyiti, yaa nəɔhɛɛ payale tɔ. Pa ke-meyɛ acaalətɔ ké, pa fɛi təyɔ. ⁴³ ɪ taa pilisi mə

ti na nyamanyamanaa mpe pa tona. I taa teləsi mə təyi pa asilima. Pəyele í taa yelee na pa asilima teeme. ⁴⁴Mpi pə tōō tō, mayale Tacaa mə Iso. Pə wee si í fayası mə ti na í wee tənəñ. Pə taya pulv, ma wee ké tənəñ. I taa pilisi mə ti na nyamanyamanaa mpa pa təñ tetv tōō tō. ⁴⁵Mayale Tacaa, má ləsəna-meçe Icipiti tetv taa si i nyənəxi-m mə Iso. Mpu tō, í wee tənəñ. Mpi tō, ma wee ké tənəñ.

⁴⁶Kəsəsutv nti í ka təkí tōla na suması na lvm taa wontu na tetv tōō nyamanyamanaa tōm taa təçle. ⁴⁷Nti tu fayasəna-meçe wontu kōpantv na asilima nyəntv, na nti tə we təçv na nti tə fei təçv tō.

12

Asilima keelvyv kətaya ke alv lylvv waali

¹Mpóyó Tacaa tōma Moisi si: ²Heeli lseyeli nyéma si, ye alv lapa teu, na í lvi apalvəyaya. I asilima kvyeyñ nté naatosompəçolaya, ke teitei isu i isətv nav kvyeyñ. ³Ilena pá peli pəyaya ke kvyaku pəlefey naanəwa nyəñku wule. ⁴Pə waali, ilena alv çaya kvyeyñ hiu na naanəwa na tooso, na í tayənəxi i caləm asilima. Pə fei si í wiili təsulle taa, yaa í tokina Iso pulv. Haləna i asilima kvyeyñ tem.

⁵Ye alvəyaya ke alv lvlaa, ile i çaya asilima taa ké cimaasənəa naale, isu i isətv nav waatv. Pə waali, ilena í la kvyeyñ nutoso na naatoso tətə na í tayənəxi i caləm asilima.

⁶Paa apalvəyaya, yaa alvəyaya ke alv lvlaa. I asilima kvyeyñ tēñ mpu, ilena í çaa pənáyá kulvmaya iwəyaya si pá la kətaya ñka kəkə lusa ka tona təçv isayətv husvyv kətaya. Yaa alukuku, yaa ihokaya.

⁷Kətvlv tēñ kətasi nsəxi Tacaa ke lapv ilena í la alv

ke asilima husuyu kotaya. Uena Iso tayanu i calam asilima.

Paa alu lola apalupayaya yaa alupayaya kusasutu nti paa toki toyole.

⁸ Ye asonyu kaa pasi na ku hiki iwayaya ile, ku caa ihokasi naale yaa alukukunaa naale. Uena pa la sumaya lenka ke kotaya nka kaka lusa ka tona to, na lenka ke isayatu husuyu nyenka. Na kotulu lapu-i asilima keeluyu soosi, ile pa tayana-i kele.

13

Yulu tonoyu too kutamaj tam

¹ Mpyu Tacaa heela Moisi na Alaj si: ² Ye mulya, yaa kaav, yaa tulnja lu yulu tonoyu too, na pa pasi tonoyu too asilima kutaj. Ue pa pona puntu ke kotulu Alaj, yaa i payalaa taa naxulu kin. ³ Na ile i wiila-i na i na tewule nte ta taa limaa na nyooi hulomu, ile kutaj asilima nyenku nte. Ue kotulu kraali krapaa si i ke asilima tu. ⁴ Ye pa ke tulnja yaa tayanmate, na tewule ta lim na nyoolaya kuhulumaya fei, ile kotulu su kutantu na i mpa ke kuyeej naatosompoolaya. ⁵ Kuyaku naatosompoolaya nyenku sikiyi uena i tasa kutantu ke wiiluyu, ye i nawa si tewule nte ta we mpv ta ta layasi, ile i tasa-i suv na i mpa ke kuyeej naatosompoolaya toto. ⁶ Kuyeej ini i teewa ile kotulu tasa-i wiiluyu ke tam naale nyam, ye tewule nte ta sala yem ta ta soosi ile i hul si pa taya kutaj, pa ke lutv ke, pa too to i fei asilima. Uena i coto i wontu na i pasi kupa. ⁷ Ama ye kutantu tewule nte ta suv wan ke pale pa waali ile i tayan malyu ke kotulu kin. ⁸ Ye ile i tasa-i wiiluyu na i na si tewule walaa ile i hul si asilima kutaj wenna-i. Ue i ke asilima tu nte.

⁹ Ye kutəŋ kuɣɛmuyɔ taka kpa yulɔ, pa pukina-
 ɪ kətulɔ tɛyɛ. ¹⁰ Ye ɪ wiila-ɪ na í mayana tute ke
 ihulɔmav na tə tɔɔ na hiŋ na tə nyɔɔsi hulɔmaa ¹¹ ɔle
 asilima kutəŋ mayamaya kele, pə fei si pá tasa-ɪ suw
 ke kpeɛŋa si pa naaki tətə. Kətulɔ ká kpaali ké si
 asilima tɔ. ¹² Ama ye asilima kutəŋ lɔla pee ke yulɔ
 tənuyɔ təna ke pə kpaɣav ɪ nyuyɔ na pá polo ɪ nɔɔhɛɛ
 tə, ¹³ ɔle kətulɔ wiili kutəntɔ ke teu, ye ɪ nawa si ku
 waasa ɪ tənuyɔ təna ɔle ɪ hulɔ si pə ta ke asilima. Mpi
 tə, ɪ tənuyɔ təna hulɔmaa tə. ¹⁴ Ama kuyaku ŋku pá
 nawa ɪ tɔɔ ké hiŋ ɔle ɪ pəsa asilima tɔ nté. ¹⁵ Kətulɔ
 ká wiilina-ɪ na í kpaali si ɪ ké asilima tɔ. Mpi tə, inɪ ɪ
 huləyənə si ɪ wɛna asilima kutəŋ, na pə ké asilima ké.
¹⁶ Ye hiŋ mələyi hulɔməŋ ɔle kutəntɔ məli kətulɔ kiŋ.
¹⁷ ɔlé ɪ wiiliyi-ɪ na í ná si hiŋ hulɔma tampana ɔlena í
 hulɔ si ɪ ta ke asilima tɔ.

¹⁸ Ye mɔte kpa yulɔ na tə waa ¹⁹ na pá yele təwule
 na tə wɛ ihulɔmav yaa ɪsɛɛv, pə wɛɛ si í ná kətulɔ. ²⁰ ɔlé
 ɪ ká wiili-ɪ na ye ɪ mayana pə lapa təwule ke lonte
 na pə nyɔɔsi hulɔmaa, ɔle asilima kutəŋ lukəna nteyɛ
 mɔte taa. Kətulɔ ká hulɔ si ɪ ké asilima tɔ. ²¹ Ama ye
 kətulɔ í wiila-ɪ na í ná si təwule mukaa na pá məli
 hulɔməŋ na nyɔɔsi kuhulɔmasi fei ɔle ɪ si kutəntɔ
 na ɪ mpaa ke kuyɛɛŋ naatosompəyɔlaya. ²² Ye pə
 sɔɔsaa ɔle kətulɔ hulɔ si ɪ wɛ asilima, saa inɪ ɔle asilima
 kutəŋ nté. ²³ Ye təwule nté tə ta sɔɔsi ɔle pə ké mɔte
 təntəɔluyɔ nté. Pə wɛɛ si kətulɔ í hulɔ si ɪ ta ké asilima
 tɔ.

²⁴ Ye kəkə nyaya yulɔ na pə lonte taa wɛɛ ihulɔmav
 yaa ɪsɛɛv, ²⁵ pə wɛɛ si kətulɔ ka wiili-ɪ, ye ɪ nawa si
 təwule limaa na pə nyɔɔsi hulɔmɪ ɔle asilima kutəŋ
 sɔɔna nteyɛ kəkə tənɔyayale təna. Kətulɔ ká hulɔ si ɪ
 ké asilima tɔ. Asilima Kutəŋ nté. ²⁶ Ama ye kətulɔ

wiila-ι na ί tá ná nyɔɔsi kuhulumasi ke pə lonte taa. Pécó lonte ta lim si pə tɔɔna tem de kətulɔ su-ι na ι mpaα ke kuyeeɲ naatosompɔɔɔlaya. ²⁷ Kətulɔ ka wiili-ι kuyaku naatosompɔɔɔlaya nyəɲku wule ye ι nawa si təwule wala ι tənuyɔ tɔɔ, de ι hulɪ si ι kέ asilima tu. Asilima kutəɲ kusεεmuyɔ nté. ²⁸ Ama ye təwule nté tə saala mpυ tə ta walɪ tənuyɔ tɔɔ, tə pasa kɔpasu, de kəkɔ hiɲ təntəɔluyɔ nté. Kətulɔ ká hulɪ si ι ta ke asilima tu. Mpi tɔ, pə kέ təntəɔluyɔ kέ.

²⁹ Ye isu kaav yaa lutu^a kpawa apalu yaa alɔ nyuyɔ yaa ι tamaya, ³⁰ kətulɔ ka wiili hiɲ inɪ na ye ι nawa si təwule limaa na pə nyɔɔsi sεεwa atalla, na sí tá yasəli de ι hulɪ si kutəntu kέ asilima tu. Kaav nté. Mpyúyú pa yaa si nyuyɔ yaa tamaya pə asilima kutəɲ. ³¹ Ye kətulɔ nawa si kaav hiɲ ta lim pécó nyɔɔsi pilaa de ι su kutəntu na ι mpaα ke kuyeeɲ naatosompɔɔɔlaya. ³² Kətulɔ ka wiili-ι kuyaku naatosompɔɔɔlaya nyəɲku wule ye ι nawa si kaav ta sɔɔsi, pəyele nyɔɔsi kusεεmasi fei na hiɲ ta lim ³³ de kutəntu looli ι nyuyɔ na ί sekɪ timpɪ taa kutəɲ wεε tɔ na kətulɔ tasa-ι suw ke təm naale nyəm na ι mpaα tətɔɔ kuyeeɲ naatosompɔɔɔlaya. ³⁴ Kuyeeɲ inɪ ι tɔɔɲ de na ί tasa-ι wiiluyɔ tətɔ. Ye pə ta sɔɔsi de ι hulɪ si kutəntu fei asilima. I wontu tike ke ι ká cətɔ de na ι pəsɪ asilima fei tu. ³⁵ Ama ye pələ pə waali ke kaav suw waluyɔ ³⁶ de ι tasa-ι wiiluyɔ na ye ι nawa si kaav tɔɔna waluyɔ ke tampana, de kutəntu kέ asilima tu nté pə fei si ί nəkɪ pεekuyɔ ke nyɔɔsi kusεεmasi. ³⁷ Ye təwule nté tə taa tá sɔɔsi na nyɔɔsi kəkpeetasɪ wεε, de kutəɲ temayale, pɔntu fei asilima tətɔ. Pə wεε kέ si

^a **13:29** kaav yaa lutu: Cəne pə paasəna kutəməɲ wei ι kpaaki yulɔ tənuyɔ tɔɔ tɔ ι tike ke. Isu kaav na lutu na pə looɲa təna.

kətɔlv í hɔli sɪ ɪ fɛi asilima.

³⁸ Ye apalv yaa alv nawa ɪ tənɔvɔ tɔɔ ké tulɔŋasɪ kɔhɔlɔmasɪ ³⁹ ɪlɛ kətɔlv wiili-ɪ, ye sɪ ta sɛɛ teu ɪlɛ pə taya kɔtɔŋ ɪsayav nte. Pɔntɔ ta kɛ asilima tɔ tɔtɔ.

⁴⁰⁻⁴¹ Ye yɔlv nyɔvɔ lɛɛsaa, paa kv taa yaa ɪ tokuyɔ taa, ɪ ta kɛ asilima tɔ nyɔŋlɛɛsvɔv nté. ⁴² Ama ye təlɛɛsələ taa tənaya pə lapa mɔlaya na ka hɔlvɔmɪ ɪsɛɛv ɪlɛ asilima kɔtɔŋ nté. ⁴³ Ye kətɔlv wiila mɔlaya ŋkɛ na í ná ka hɔlvɔma ɪsɛɛv kɛ tampana ɪsu asilima kɔtɔŋ ⁴⁴ ɪlɛ yɔlv ɪnɪ ɪ wɛna asilima kɔtɔŋ nté, ɪ ké asilima tɔ na pə wɛɛ sɪ kətɔlv í hɔli mpɔ. ɪ nyɔvɔ taa ké kɔtɔŋ ŋkv kv kpawa.

⁴⁵ Wontu kvɔlɔtɔv kɛ pə wɛɛ sɪ asilima kɔtɔŋ tɔ í suu na í yelev ɪ nyɔvɔ kɛ tayavɔvɔ, na í takɪ ɪ tantɔŋ tɔɔ na í kpaaləyɪ sɪ: Asilima yoo, asilima. ⁴⁶ Ye asilima kɔtɔŋ í wɛna wei ɪ pəsa asilima tɔ ké, na pə wɛɛ sɪ í hatəlɔna yələa na í caya tesikile waali kɛ ɪ tike.

Wontu kɔsusuutu tɔɔ hvŋkpɔsvɔlaya

⁴⁷ Ye hvŋkpɔsvɔlaya yaya tulɔŋasɪ kɛ heen hvntɔ wontu kɔsusuutu yaa kponkpontu tɔŋ nyəntɔ tɔɔ, ⁴⁸ yaa pə pəŋ yaa pə kuntunaa yaa kəŋa yaa tənəŋ wontu tɔɔ. ⁴⁹ ɪlɛna tulɔŋasɪ nsɪ sɪ wɛ atəntɔtɔtɛ taka yaa ɪsɛɛv, ɪlɛ pə wɛɛ sɪ kətɔlv í wiili-sɪ. ⁵⁰ ɪ tɛŋ sɪ wiiluyɔ ɪlɛna í su hvŋkpɔsvɔlaya tulɔŋa wontuyɔ ŋkv na kv mpaa kɛ kvyeŋ naatosompəɔɔlaya. ⁵¹ Ye kətɔlv tasa wiiluyɔ kɛ kvyakɔ naatosompəɔɔlaya nyəŋkv wule na í ná sɪ tulɔŋa sɔɔsa wəŋ ɪlɛ pə ké hvŋkpɔsvɔlaya ŋka pa kaa pəsɪ na pá lá na ká tɛ tɔɔlə. Wontuyɔ ŋkv kv pəsa asilima pulɔpɔvɔlɛ. ⁵² Pə wɛɛ sɪ kətɔlv í nyayasɪ kəkɔ kɛ wontuyɔ ŋkv ɪnɪ kv tɔɔ wɛ hvŋkpɔsvɔlaya tɔɔ. Mpi tɔ, pa kaa pəsɪ na pá la na ká tɛ. Pə tɔɔ tɔ pə wɛɛ sɪ pá nyayasɪ-kvɔv kəkɔ ké. ⁵³ Ama

ye kətɔlv wiilaa na í mayana si tɔlvɔa ta səsɔsi wanj ke wontuyu ŋku ku tɔɔ, ⁵⁴ ɪle ɪ yele na pá cətɔ-ku na pá su-ku na ku mpaa ke tɔm naale nyəm tətəɔ kuyeeŋ naatosompəɔɔlaya. ⁵⁵ Ye ɪ tasa-kuɔv wiiluyɔ ke ku cətuyɔ waali na í ná si tɔlvɔa ta layasi yaasi, paa ka ta wali, paa nyəni-kuɔv asilima ké na pá nyayasi-kuɔv kəkə. Mpi tɔ, lonte kulɔmtəle ke pə təɔ wontuyu taa na ku waali. ⁵⁶ Ye waatu wei kətɔlv wiilaa tɔ ɪ nawa si ku cətuyɔ waali tɔlvɔa salaa ɪle ɪ keesəna ka lonte taa na í seti. ⁵⁷ Ama ye tɔlvɔa tayana luw ke wontuyu ŋku ku tɔɔ, pə wee si kətəŋ təŋna puw nté. Mpu tɔ, wontuyu ŋkuɔv paa nyayasi kəkə.

⁵⁸ Ye pa cəta tɔlvɔa wontuyu na ká hɔsi, pə wee si pá tasa ku cətuyɔ ke tɔm naale nyəm ké na pəcɔ ku asilima té.

⁵⁹ Ye huŋkpɔsulaya yaya tɔlvɔasi ke heeŋ huŋtu wontu kɔsusuutu yaa kponkpontu tɔŋ nyəntu yaa pə pəŋ yaa pə kuntunaa yaa kəŋa yaa tənəŋ wontu tɔɔ. Kəsəsutu nti paa təŋ na pá huləna si tə ké asilima nyəntu yaa kupantu təɔle.

14

Polom asilima keelɔv kətaya

¹ M'púyú Taca təma Moisi si: ² Kəsəsutu nti í ká təkɪ kuyaku ŋku í laki polom ke ɪ asilima keelɔv kətaya təɔɔ. ɪ pukina-ɪ kətɔlv, ³ ɪlena ɪlé ɪ lu təsikile taa na í wiili-ɪ, ye ɪ mayanaa si pə tɔma kətəntu, ⁴ ɪle ɪ tu-ɪ na í caa sumasi nsi si wɛna si ɪse na sí feina asilima təɔɔ naale na tɔv səsəɔv nakuli ku taasi na heeŋ huŋtu nti pa lii akpaayala kɔseem tɔ na nyulɔv ŋku pa yaa si hisəpu tɔ ku piliŋa. ⁵ Pə waali ɪlena í yele na pá lenti sumasi nsi si taa lɛŋka ke seelɔ lɔm heeɔ tɔɔ.

⁶ Ye pə kaasa sumaya ise nyəŋka de ɪ kpaɣa keɛle na tɔyɔ səsəw nakɔli ku taasi, na heen hontɔ nti pa lii akpaayala kuseem tɔ na hisəpɔ piliŋa na ɪ ŋmilisi pə tənaya sumaya ŋka pa kɔwa seɛlv lɔm heev tɔw tɔ ka caləm taa. ⁷ Ulena ɪ ŋmusi wei inɪ ɪ kɔtəŋ tɛma mpɔ tɔ ɪ tɔw kɛ təm naatosompəɣɔlaya. I tɛŋ hɔlvɔv si ɪ feuna asilima ulena ɪ yeɛle sumaya ise nyəŋka na ká sɔv nyutɔ. ⁸ Ulena inɪ ɪ cɔtɔ ɪ wontu na ɪ hu ɪ tɔnɔyɔ tɔw nyɔwsi, na ɪ sɔ lɔm ulena ɪ asilima tɛ. Pə waali kɛ ɪ sɔvki tɛsikile. Ama ɪ kaa sɔv ɪ cokəle taa kɛ, haləna kɔyakɔ siki. ⁹ Naatosompəɣɔlaya nyəŋku wule ke ɪ looliyi ɪ nyɔyɔ na ɪ tantɔyɔ na ɪ isəhutu na ɪ nyɔwsi tənə, na ɪ cɔtɔ ɪ wontu na ɪ sɔ lɔm. Uɛ ɪ asilima keɛlaa keɛle.

¹⁰ Pə takɪ kɔyakɔ pələfei naanɔwa nyəŋku wule ulena kɔtəntɔ wei pə waawa mpɔ tɔ ɪ caa iwɛɛsi apalɔ nyəŋsi nsi si tiili tá caami tɔɣɔ naale na alɔnyəŋka ŋka ka tiili ta caami tɔɣɔ kulɔmaya, na kɔhav mɔlvɔm mpi pa nuɣutina nim tɔɣɔ kiloona pəɣɔlayafei naanɔwa, na nim liitili titite. ¹¹ Kɔtɔlv wei inɪ ɪ laki asilima keɛlvɔv kɔtaya tɔ ɪ ká su yɔlv inɪ na kɔhaan ke tɔsulle cokəle nənɔɣɔ ke Tacaa kin. ¹² Ulena ɪ kpaɣa iwɛɛsi nsi si taa lɛŋka na ɪ lana-keɣe tayanɔyɔ kɔtaya na nim liitili titite. Ulena ɪ ha Tacaa ke pə naaleɣe ɪ rɔpɔyɔ kɔtaya tɔlate kin. ¹³ Ulena ɪ ku iwəyaya ke Isɔ lonte taa timpi pa kɔvɪ isayatɔ husɔyɔ yaa kɔtaya ŋka kəkɔ lusa ka tənə tɔ ka kpəntɛ tɔ. Kɔtɔlv tənna tayanɔyɔ kɔtaya kpəntɛ isɔ pə wɛv isayatɔ tayanɔyɔ kɔtaya təm taa tɔ. Pə kɛ kate taa kate pulɔyɔ. ¹⁴ Ulena kɔtɔlv lii kpəntɛ caləm taa na ɪ taa wei ɪ tayanəyi ɪ ti tɔ ɪ ŋkpaŋyɔv ntɔɣɔŋ nyəŋku nɔɣɔ taa, na ɪ niŋ ntɔɣɔŋ apalɔmpələ na ɪ apalɔnəmpələ ntɔɣɔŋ nyəntɛ tɔw. ¹⁵ Ulena ɪ kpaɣa nim liitili titite n̄tɛ na ɪ pəli ɪ niŋ mpətəŋ taa. ¹⁶ Na ɪ lii ɪ ntantaku taa nim

mpi pə taa ké mpəle ntəɔŋ nyəntɛ na í ŋmusɪ təm naatosompəɔɔlaya ke ɪsə kətaya tɔlate tɔɔ. ¹⁷ ɪlena í taa nim mpi pə kaasa ɪ niŋ mpətəŋ taa tɔɔ wei ɪni ɪ tayanəɣi ɪ ti tɔ ɪ ŋkraŋɔɣɔ ntəɔŋ nyəŋku, na ɪ ntəɔŋ apalɔmpəle, na ɪ apalɔnəmpəle tɔɔ timpɪ paa tɛma ɪsəɣatɔ husɔɣɔ kpəntɛ caləm ke taav tɔ. ¹⁸ ɪlena í pəle ɪ niŋ taa nim kukaasəm ke wei ɪ tayanəɣi ɪ ti tɔ ɪ nyɔɣɔ taa na í lapɪ-ɪ asilima keelɔɣɔ kətaya ke ɪsə kiŋ. ¹⁹ ɪlena kətɔlɔ ləsi ɪsəɣatɔ husɔɣɔ kucɔɔɔ na í lá pə kətaya ke wei ɪ tayanəɣi ɪ ti tɔ ɪ tɔɔ. Pə waalɪ ɪlena í kú kətaya ŋka kəkɔ lusa ka təna tɔ ka kpəntɛ. ²⁰ ɪlena kətɔlɔ la ɪsə kətaya tɔlate tɔɔ ké kətaya ŋka kəkɔ lusa ka təna tɔ na kuhav nyəŋka. Pə waalɪ ɪlena í lá yɔlɔ ɪnəɣi asilima keelɔɣɔ kətaya na ɪ asilima tɛ.

Polom kɔnyəntɔ asilima keelɔɣɔ kətaya

²¹ ɪmpɔɣɔ Tacaa tasa yəɔtɔɣɔ si: Ye polom ké kɔnyəntɔ na í feina səsəm, ɪle ɪ caa asilima keelɔɣɔ ɪwəyaya kulɔmaya ŋka paa ha Tacaa má na pə keelɔ kɔtəntɔ asilima tɔ. Na í caa mɔlɔm kɔpam mpi pa nuɣutina nim tɔɔ kiloona tooso na nim liitili titite, ²² na ihokasi naale yaa alukukunaa naale. Pə taa mpi ɪ ka hiki tɔ. Na pá lana lɛlɔ ke asilima keelɔɣɔ kətaya, na lɛlɔ ke kətaya ŋka kəkɔ lusa ka təna tɔ. ²³ Pə takɪ kɔyaku pələfɛi naanɔwa nyəŋku ɪlena í pona kuhav ɪnəɣi kətɔlɔ ke təsulle cokəle nənəɔ ke Tacaa kiŋ. ²⁴ ɪlena kətɔlɔ kpaya ɪwəyaya na nim na í ha Tacaa. ²⁵ Kətɔlɔ tɛŋ asilima keelɔɣɔ ɪwəyaya ke lentɔɣɔ ɪlena í lii caləm taa na í taa asilima tɔ ŋkraŋɔɣɔ ntəɔŋ nyəŋku nəɔ taa, na í taa tətəɔ ɪ niŋ ntəɔŋ apalɔmpəle na ɪ apalɔnəmpəle ntəɔŋ nyəntɛ tɔɔ. ²⁶ ɪlena kətɔlɔ pəli nim ke ɪ ntantaku mpətəŋ nyəŋku taa, ²⁷ na í lii pə taa ké ɪ ntəɔŋ mpəle na

í ηmusi kətaya təlate təw kέ təm naatosompəwəlaya. ²⁸ Ulena í taa ı niη taa nim mpəwi asilima keeluyw kətaya latw ntəwəη ηkpaηuyw nəwə taa, na í taa-wı tətəwə ı apalwmpəle ntəwəη nyənte na ı apalwəmpəle ntəwəη nyənte pə təw ke lona nna a taa paa taawa isayatu husuyw kətaya kpənte caləm tə. ²⁹ Ulena kətulw pəli ı niη taa nim kəkaasəm ke yulw ıni ı nyuyw taa, na í lapı-ı asilima keeluyw kətaya ke Tacaa kiη. ³⁰ Pə waali ulena kətulw kpəwa ihokasi yaa alukukunaa mpa kutəntw pəsaa na í kəna tə pa taa kέ kuləm ³¹ na í lapı-ı asilima keeluyw kətaya na leηka ke kətaya ηka kəkə lusa ka təna tə na pə təwəwəyaya kuhaw. Ulena kətulw la yulw ıwəwi asilima keeluyw kətaya ke Tacaa kiη.

³² Kusəsutw nti pə wεε sı polom konyəntw í təkı ı asilima keeluyw kətaya lapw taa təwəle.

Kutuluy təw hηkpuswlaya

³³ Mpyəw Tacaa təma Moisi na Aləη sı:

³⁴ Ye í kəma na í sww Kanaaη tətə nti ma ha-me tə tə taa, ulena kuyaku nakulı í nά ma yelaa na hηkpuswlaya tulwηa yəwa mə kutuluyw nakulı ku kolwηa təw kέ tətə nti ıni tu pəsi mə nyəntw ke mpw tə tə taa təna. ³⁵ Ule təyaya tw polo na í heeli kətulw sı ı nawa puluyw ı təyaya taa na pə nəwəsəna isı asilima kutəη tulwηa. ³⁶ Ulena kətulw yəwəti na pά laası kutuluyw ηku ku taa wontu təna na pəcı ı polo tulwηa ηkəye mayasuyw. Ule kutuluyw ηku ku taa wontu təna kaa pəsi asilima pulwpu. Pə waali kέ kətulw mələwi na í tasa kutuluyw ηku ku tulwηa ke mayasuyw. ³⁷ Ye ka wε atəntəwəte yaa isεεw na kά tawa kutuluyw ke lonte, ³⁸ ulə kətulw luna kutuluyw ηku ku nənwəwə na í təkı-kəye kuyεeη naatosompəwəlaya. ³⁹ Kuyaku

pa kowa tɔ ka calɛm taa na sɛɛlv lɔm taa, na í ŋmusi kutuluyɔ ŋkɔ kɔ tɔɔ kɛ tɔm naatosompɔɔɔlaya. ⁵² Uɛ ɪ kpiisa kutuluyɔ ŋkɔ kɔ asilima nté na wontunaa mpɛ^a. ⁵³ Uɛna í yele sumaya ɪsɛ nyɛŋka kɛ ɪcɛtɛ waali na ka sɔv nyutu. Uɛna í lá asilima kɛɛlvɔv kɔtaya kɛ kutuluyɔ tɔɔ, ɪɛ kɔ pɛsa ŋkɔ kɔ fɛina asilima tɔɔɔɛ.

⁵⁴ Kusɛsutɔv nti paa tɔki asilima kɔtɔŋ na kaav na pɛ looŋa taa nyɛŋ tɛna ⁵⁵⁻⁵⁶ na hiŋ na lutɔv na tɔlvŋasɪ nsi si teeki kɔkɔ tɔ, yaa hɔŋkpɔsɔlaya tɔlvŋasɪ nsi si lukɪ wontu kususuutu na kutuluŋ taa tɔ. ⁵⁷ Asilima kɔtɔŋ kusɛsutɔvnaa nté, nti tu hulɔna saa wei asilima wɛɛ na saa wei a fɛi tɔ.

15

Apalv apalvɔv asilima

¹ Mpɔ́yú Tacaá tɔma Moisi na Alɔŋ si: ² ɪ tɛlɛstɪ ɪsɛɔɛli nyéma si ye casaya kpa apalv, lɔm mpi pɛ kpeŋna-ɪ tɔ pɛ kɛ asilima kɛ. ³ Ká tu laalaa na ká kra-ɪ tɛ, paa pɛ kpeŋna-ɪ yaa pu kpeŋna-ɪ ɪ kɛ asilima tɔ kɛ. ⁴ Kuhɛntɔŋ wei ɪ tɛna ɪ tɔɔ apalv ɪnɪ ɪ ká hɛntɪ yaa kuvacayam tɛna mpi pɛ tɔɔ ɪ ká caya tɔ pɛ pilisaa kɛ. ⁵⁻⁶ Ye wei í tokina ɪ kuhɛntɔvɔv ŋkɔ yaa ɪ caya ɪ tɛcayalɛ, pɛ wɛɛ si í cɔtɔ ɪ wontu kɛ na í sɔ lɔm na í caya asilima taa halɔna taanaya. ⁷⁻¹¹ Ye wei ɪ tokina kɔtɔntɔ ɪnɪ yaa ílɛ ɪ tokina-ɪ na í ta san, yaa ɪ tɔ nɔɔɔlv tɔɔ kɛ ntagama yaa pɔntɔ tokina pɔlv mpi pɛ tɔɔ kɔtɔntɔ cayaa tɔ yaa ɪ tu sɔɔɔla-wɪ, pɛ wɛɛ si í cɔtɔ ɪ wontu kɛ na í sɔ lɔm na í caya asilima taa halɔna taanaya. Paa kpayanɔkpete nte tɔ tɔɔ kɛ ɪ cayaa na í

^a **14:52** Kukalɛtɔv tɛnɛ tɔ topilaa tɔ, ta lapɔna mpɔv si pɛ sɔna kallɔ. Mpi tɔ, tɔ tɛma pɛ tɛna ɪsɛntɔ pɛ hɛla yaav kɛ kukalɛtɔv 51 taa. Ye tɔ tayana kpaɔav kɛ mpɔv pɛ kalvɔv fɛi lɛlɛŋ.

polo ɪcɛtɛ tɛ pɛsa asilima pʊlʊ kɛ. ¹²Ye cʊyʊ wontu yu kɛ kutɔntʊ ɪnɪ ɪ tokinaa pɛ wɛɛ sɪ pɛ yɔki-kʊyʊ. Ama ye tʊyʊ nyɛŋkʊ ɪlɛ pa nyaali-kʊyʊ lʊm kɛ teu.

¹³Ye pɛ tɛma kutɔntʊ ɪnɪ, ɪlɛ ɪ tɛŋ kʊyɛɛŋ naatosompɔyɔlaya na ɪ cɔtɔ ɪ wontu na ɪ sɔ sɛɛlʊ lʊm, ɪlɛ ɪ kɛɛla asilima ntɛ. ¹⁴Kʊyaku pɛlɛfɛɪ naanɔwa nyɛŋkʊ takɪ ɪlɛna ɪ caa ɪhokasi naale yaa alukukunaa naale na ɪ pona tɛsulle cokɔle nɔnɔyɔ na ɪ cɛla kɔtʊlʊ. ¹⁵Na ɪlɛ ɪ lɛsi sumaya lɛŋka kɛ ɪsɔyɛtʊ husʊyʊ kɔtaya, na lɛŋka kɛ ŋka kɔkɔ lusa ka tɛna tɛ. ɪlɛna ɪ lapɪ-ɪ asilima kɛɛlʊyʊ kɔtaya kɛ ɪ kutɔŋ tɔɔ.

¹⁶Ye yʊlʊ apalʊtʊ kpɛma pɛ wɛɛ sɪ ɪ sɔ lʊm kɛ na ɪ nyɛnɪ ɪ tɛyɪ asilima tʊ halɔna taanaya. ¹⁷Ye pɛ taana ɪ wontu kʊsusuutu yaa ɪ tɔnʊyʊ tɔɔ pʊlʊ, pɛ wɛɛ sɪ ɪ cɔtɔ kɛ na ɪ nyɛnɪ ɪ tɛyɪ asilima tʊ halɔna taanaya.

¹⁸Ye apalʊ na alʊ pa kpɛntaa pɛ wɛɛ sɪ pɛ sɔ lʊm kɛ, na pɛ nyɛnɪ pa tɛyɪ asilima nyɛma halɔna taanaya.

Alv alʊtʊ asilima

¹⁹Ye alʊ naaki ɪsɔtʊ ɪ pɛsa asilima tʊ kɛ halɔna kʊyɛɛŋ naatosompɔyɔlaya. Ye wei ɪ tokina-ɪ waatʊ ɪnɪ pʊntʊ pɛsa asilima tʊ tɔtɔyɔ halɔna taanaya. ²⁰Paa nyaalʊyʊ kɛ ɪ hɛntaa yaa kpɛtɛ tɔɔ kɛ ɪ cayaa, tɛ pɛsɔyɪ asilima nyɛntɛ kɛ. ²¹⁻²²Ye wei ɪ tokina nyaalʊyʊ ŋkʊ yaa kpɛtɛ ntɛ ɪ ka cɔtɔ ɪ wontu kɛ na ɪ sɔ lʊm na ɪ nyɛnɪ ɪ tɛyɪ asilima tʊ halɔna taanaya. ²³Ye pʊlʊpʊ tokina kʊhɛntʊyʊ ŋkʊ yaa kpɛtɛ ntɛ, ɪlɛna nɔyɔlʊ nɔɔ tokina-wɪ ɪ pɛsa asilima tʊ kɛ halɔna taanaya. ²⁴Ye yʊlʊ hɛntɔyɔna ɪ alʊ na pɛ pana sɪ ɪlɛ ɪ ɪsɔtʊ nau kʊyaku ntɛ, na pɛ lu na pɛ tokɔna apalʊ, pɛ wɛɛ sɪ apalʊ ɪnɪ ɪ nyɛnɪ ɪ tɛyɪ asilima tʊ tɔtɔyɔ, halɔna kʊyɛɛŋ naatosompɔyɔlaya. Paa kʊhɛntʊyʊ ŋkʊ kʊ tɔɔ kɛ paa wɛɛ, kʊlɛ kʊ pɛsa asilima kɛ.

25 Ye alv isətv nav kuyeeη kəla isu i tu naaki tə, yaa caləm kpeηna-i yem na pə tá ké i isətv nav kuyeeη, i ké asilima tv tətəγə wee anı a taa ké. 26 Kvhəntəη wei i təna i təə alv inı i ká həntı yaa kuvacayam təna mpi pə təə i ká caya tə pə pilisaa ké. 27 Ye wei i tokina nyaalvγv ηkv yaa kuvacayam mpi, pə wee sı í cətv i wontu ké na í sə ləm na í nyəni i təγı asilima tv haləna taanaya.

28 Ye caləm luw səηaa ıle, i taη kuyeeη naatosompəγəlaya, ıle i asilima temayale. 29 Kuyaku pəlefei naanvwa nyəηkv takı ılena í pona kətvlv ke ihokası naale yaa alukukunaa naaleγe təsulle cokəle nənəγə. 30 ılena kətvlv ləsi sı taa leηka ke isayatu husvγv kətaya, na leηka ke ηka kəkə lusa ka təna tə. Pə waalı ılena í la alv ke asilima keelvγv kətaya ke Taca kın təna na pə keelı i asilima.

31 Mpyó Taca tasa Moisi na Aləη ke heeluyv sı: ı teləsi ıseγeli nyéma sı í taa kpətəna təsulle cokəle ke mə asilima waatvnaa. Pə taa kəə na má kv-me sı í pilisa ma təcayale nte tə we mə hekv taa tə.

32-33 Ye kvtəη kpəna apəlv na ləm kpeηna-i, yaa i apəlvtv kpemna, yaa alv naaki isətv yaa kvtəη kpə-i na caləm kpeηna-i, yaa í na apəlv pa kpənta i sanvγv waatv. Kvsəsıtvnaa mpa í ká təkı təγəle.

16

Isayatu husvγv kuyaku səsəv təm

1 Waatv wei Aləη pəyalaa naale kəna kətaya tulaalv kpai nyəη na pá sí tə, pə waalı ké Taca təma Moisi sı:

2 Heeli nyá taalv Aləη sı í taa svvkı yem yem ké pvvγv kvkakayav waalı ké kate taa kate təcayale taa

ké timpi Iso atakaa weε tɔ. Pɔ taa kɔɔ na í sí saa wei Iso tiiki atakaa pɔle tɔɔ ké isɔŋmuntɔ taa tɔ.

³ Pɔ tɔɔ tɔ, ye ɪ caaki kate tɔcayale taa ké sɔɔ pɔ weε sɪ í caa isayatu husɔɔv kɔtaya latɔce kɔfalɔ na kɔtaya ŋka kɔkɔ lusa ka tɔna tɔ pɔ ɪwaav. ⁴ Ulena í sɔ lum na í suu kɔtaya wontu. Isu kpronkpontu ton nyɛntɔ kɔmsa, na pɔ toko, na pɔ tampala, na pɔ nyɔɔv saalaya. ⁵ Iseɣeli kpekale nyɔma ka cele-ɪ tɔtɔɔv isayatu husɔɔv pɔŋtulɔŋ ke naale, na kɔtaya ŋka kɔkɔ lusiɣi ka tɔna tɔ ka ɪwaav.

⁶ Ulena Alɔŋ kɔna latɔce na í la kɔtaya ke ɪ mayamaya ɪ isayatu tɔɔ. I teŋ mpɔ ulena í la isayatu husɔɔv kɔtaya ke ɪ nyɔɔv tɔɔ na ɪ tɔyaya nyɔma nyɔɔŋ tɔɔ. ⁷ Pɔ waali ulena Alɔŋ pona pɔŋtulɔŋ unɪ ɪ naale na í su-ɪ Tacaa isentaa ke tɔsulle cokale nɔnɔɔv. ⁸ Ulena Alɔŋ tɔ tete ké pɔŋtulɔŋ unɪ ɪ naale ɪ tɔɔ na pɔ huli-ɪ Tacaa nyɔŋku na ulɔɔv Asaseeli^a nyɔŋku. lɛlaa sɪ lonte wɔlaya nyɛnte tɔlɔɣi pa yaa mpɔ. Lɛlaa sɪ ulɔɔv isayav nɔɔvɔ wei ɪ cakɪ timpi pɔ we sɔɔɔntɔ tɔɔv. ⁹ Ulena í lɛsɪ pɔŋtulɔɔv ŋku tete tɔyaa sɪ kv ké Tacaa nyɔŋku tɔɔv isayatu husɔɔv kɔtaya. ¹⁰ Pɔ kaasɔɣi pɔŋtulɔɔv ŋku tete tɔyaa sɪ ulɔɔv nyɔŋku ulena í lá isayatu husɔɔv kɔtaya, na í su-kɔɔv Tacaa kin na kv ise na samaa isayatu mɔli kv nyɔɔv taa, ulena pá pona-kɔɔv wɔlaya tetɔ taa na pá tisi-kɔɔv ulɔɔv Asaseeli.

^a **16:8** Asaseeli: Ulɔɔv wei unɪ ɪ tɔm pa yɔɔta cɔne tɔ tɔ ta nyɔmɪ-,

PHIPILI USO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 11 Nov 2022 from source files dated 9 Oct 2020

ef14191a-91f7-51c1-ac89-7b93dd7c4377